

IANI DOVSÆ

NORDOVICIS IN 308

NOVAM Q. HORATII

FLACCI EDITIONEM

Commentariolus.



ANTVERPIÆ,

Ex officina Christophori Plantini,

Architypographi Regij.

CICID. LXXX.



IANVS DOVS A

NOR DOVIX VICTORI

GISELINO FRANCONA-

TI SVO S. D.

309



MI VICTOR, *utinam diem illum videam, quum tibi, pro Ferneli-
na dicatione, ex sententiâ vtriusque
nostrum gratias referam. Adhuc
quidem certe opera nostra parci oppido fuisse vi-
deri possumus. Sed tempora vides, & nostrum
istud viuere triste, in tanto Musarum, Gratiarum,
at humanitatis omnis contemptu: postquam re-
periti sunt homines, qui nouam & adumbratam
eruditionem prisca ac germana doctrina ante-
ponerent. Nos tamen inconcussi, & conscientia
nostra etiam beati; Respublica misera, & cui no-
uo Simonide elugenda sit opus, in tantis præser-
tim totq; pugnantibus sententiis; veluti in ex-
trema tegula posita; peius, quam inter sacrum
& saxum.*

O patria, ô Diuum domus Ilion. Sed

A 2

huma-

humana humanitus ferenda ; atq. hac illè viderit, qui supra nos negotium curat. Nos verò spre-
ta insulsissimorum hominum barbarie, ad desueta
porro studia ; & interiores literas illas nostras,
tanquàm ad portum tranquilliorē , vorso-
riam aliquando capiamus . Quā in re & ipse officium
herculis meū facere ausim ; hac tamen exceptio-
ne, si per te liceat modò. Liceat autem? Vah, qui
me vltro etiam currentem solitus incitare? Et
incitabis porro (scit scio) si tamen antiquum ac
solenne illud obtines tuum, vt non cotis modò, sed
verò & politoris vicē fungare . Nam alia fluxa,
& verum nimis Crispi illud : Egregia ingenij
nostri facinora , sicuti anima , immortalia
sunt. Neq. verò esse arbitror, quod de voluntate
erga te mea dubites quicquam, tot tantisque
experimentis tibi iam inde ab antiquo perspecta,
ne dicā , penitissimè explorata . Audi ergo me
Ennianum illud præfiscinè dicentem :

Eo ego ingenio natus sum, amicitiam
Atq. inimicitiam in frontem promptam gero.

Quorsum istac? inquires. Vt planè me tuum
esse

esse porro persuadeas tibi; & Iure quidem quidē
 perpetuo, hoc est, Lernutianum in morem; ne
 arbitrario censeas. Quo nomine si necdum etiā
 sat acceptū tibi fuisse doles; verecundia, vel curta
 potius supellectili nostra, quā aut oblivioni,
 aut benevolentia diminuta tribuas velim. Neq-
 enim erat, quo, pro rei satis dignitate, vel tua,
 gratum invicem facere me possem tibi. & nosti,
 quantopere laboris sim fugitans; quā denique
 vtilium tardus provisor. Cui tamen comperen-
 dationi nostra venia nulla debebatur, si apud
 alienum Iudicem causam dicerem. Nunc autem
 in meo ipsius Foro litigans, verendum mihi non
 puto, ne quod gravius adversus me Decretū fiat:
 paratum praesertim superiorum temporum in-
 tercapedinem nova officiorum assiduitate, vel
 feneratō, pensare. Cuius consilij mei specimen;
 & quidem in re praesenti, oculatis manibus ut
 arbitrere, et tibi Commentariolum hunc no-
 strum, quem ego recēs modō, post tot veterum,
 tot novarum Tribuum Prærogativas, hoc est,
 priores omnium Interpretum sententias, Horatio
 A 3 expensum

expensum ut ferrem, haud impetus sanè aliquis,
 sed verò ipsissima ratio persuasit mihi. Quid e-
 nim? Dedi hoc tum Poëta ipsius Genu, tum etiā
 Typographorum principis merita hercule indu-
 striae, novam Horatianorum operum editionem
 molientis: dedi deniq. solida ac prae-textata amicitia
 nostra, qua apud animum meum nihil carius
 habeo. Proinde opusculum quantum est bifariā
 quasi dispartitum invenies, impari capitum nu-
 mero, quorum priora quinq. confuso ordine, ac
 veluti per Satyrā ex Praedaneorum nostrorū
 volumine saltuatim decerpimus, ante septenniū
 concepta, & nunc primum in hanc Decuriā
 relata. Cetera astrictiora & cōcisa magis; quip-
 pe recens etiamnum ab foliis calētia: in qui-
 bus serie continuata; nova, atq. (uti spero) soli-
 dioris industria nostra testimonium comparere
 volumus; Poëta vniuerso ab ipsis carceribus ad
 calcem vsque percurso; & si quae suspectiora, aut
 liquida parum videbantur, obiter declaratis. Eo
 dico, ne inaequalitate dictionis moveare; neve ob
 biformis styli inconstantiam levior sit apud te
 diligen-

diligentia nostra. Ut neq. illud mirari te velim, quod in largiendo restrictior fuerim, quàm soleo. Quam parsimoniam meam & superioribus Lābini, & postremis Cruquij nostri Commentariis imputo lubentissimè. quorum curiosa hercule felicitate effectum, ut copia mea in arctum contrusa vix mihi hoc etiam, quod vides, reliqui fecerint. quippe quasi per obseptū fundum semitā facere, & veluti aquam ex pumice postulare coacto. Expresi tamē cum cura & fide hoc ipsum, quod potui: & vides opera istius necessitatem, quasi è quercu exsculpta. Quam boni porrò ipse ut consulas, noli amābo, dum exorem aut mihi te vindicem flagitem, exspectare. & patere nobis istud esse iuris apud te. Iampridē enim hoc ambitionis genus ex necessitudine nostra, ad summum perrecta, in perpetuum sublatum esse debet. Proinde ne parum aut benevolentia, aut humanitati etiam tuæ confidere videar, proletario huic orationis generi supersedebo: illud modo pramonuisse contentus, nonnulla abs te repertum hic iri, quæ, Brugis vnā quum essemus, tecum &

cum oculis mo Lernutio nostro ante triennium
 comunicavimus . Qua ut apud vos gratiam for-
 tasse novitatis exuerint, at reliquis tamen omni-
 bus titulo certe suo respondere videbuntur. Non
 excusabo sermonis impolitiam, in hoc praesertim
 scripti genere, necessario potius, quam spetioso, &
 cui iure meo Horatianū illud prae texere possum:
 Ornari res ipsa negat, contenta doceri.
 Nam quod Plautinam in nobis imitationem ca-
 villentur, frustra sunt: imò hercule perridiculi;
 qui quod honori antiquitus fuit, hoc ipsum, ut
 probrum, nobis obiectare audent. idq; adeò haud
 mirandum, quippe qui ad Romanae urbanitatis
 salem tantundem sapiunt, ac grundule pecus il-
 lud, cui animam pro sale datam perhibet Varro.
 & verisimile est, maiorem horum Lucumonū
 partem, si quando veteris Poëta, Oratoris, aut
 Historici incidat mentio, continuò se in alium
 orbem terra, puta Americam, vel Iapanam de-
 latos, arbitrari: neq. scriptoris, aut sermonis La-
 tini; sed verò piscis, aut edulij transmarinum
 vocabulum audire tantum abest, ut quid à sui
 schœni

312
schœni sordibus Plautina Scena mundities disse-
rat, diiudicare possint, aut signare linea alba.
Quod si quis ex hoc genere facietior ad eū sapiē-
tiæ gradū pervenerit, ut Plautum & Comicum
fuisse, & Fabulas Latine scriptas, hoc est, lingua
longè alia, quàm qua in Foro, aut desidiabulis suis
viri didicerunt isti, in Schenā Romanā detulisse,
ex aliorum relatu, & quasi per nebulam auditū
magis, quàm sensibus ipsis, aut suapte industria
compertum habeat, vel exquisitum; en paratum
me tibi capere illicd cum illo iudicē; sed eū tamen
videre ut capiam, qui credat mihi, & qui causa
mea litē istā faciat suam. Et quem quaeso potius,
quàm Lipsium meū, antiquariū utiq. non è mul-
tis, illum dico Senatus nostri Principem, atq. in
intimis Poëta eius amatoribus nomē iampridem
suū, & quidē publicitus, professum? Et scio, haud
desugiturum auctoritatē. Quam qui contemnat,
num qua causa est obsecro, quin ego ipsum à sa-
cris Lipsianis, id est, Musarum adytis cū profa-
no catu exulem porro atq. extorrem in perpetuū
esse iubeam? De reliquis quod me expurgem,

minus nihilo est, tametsi haud ignorem, fore in
 his nonnulla, in quibus plus satis, & fortasse ni-
 mis etiam Latine loquutus videbor; non quidem
 tibi, aut tuis, mi Victor, verum personatis Capito-
 nibus istis, Qui Curios simulant, & Bac-
 chanalia vivunt. & mirum, nî quispiam, ex
 hac turba nasutior, Martialis illud in nos
 convicium iaciat: Tanti non crat esse te di-
 sertum. Sed tamen familiariter omnia, ex lege
 & disciplina Romana, seu Batavica potius sim-
 plicitatis: nec prater morem (ut scis) utriusque
 nostrum, hoc est, homines ut videamur: Vale Vi-
 ctor doctissime, & fac quæso modis omnibus, uti
 nomen obtineas tuum, id est, vivas & vinças vir-
 tute vera, proinde uti adhuc fecisti. nam ut con-
 trà nos ames, stipulatione opus esse non puto. Scio
 enim, quàm in amore sis tenax, & non horum
 hominum. Iterum vale. Lugduno Batavorum.
 Matronalibus.

IANI

II IANI DOVS Æ

313

NORDOVICIS IN Q.

HORATII FLACCI NO-

VM EDITIONEM COM-

MENTARIOLVS.

CAPVT. I.

*Fragmentum C. Cilnij Macenatis de morte Horatij
Flacci, nunc primum integritati suæ restitutum, ac
declaratū; indidemq; THYNÆ MERCIS
apud Horatium vera explicatio quesita.*



NTE QVAM operam meam Hora-
tio commodem, volētibus Poëtæ no-
stri Manibus fore spero, si fragmentū
quoddam ad hanc ratem vnice perti-
nens, mīq. & amatoribus eius gratifi-
catus fuero. Conseruator Fragmenti Isidorus, ar-
chitectus Mæcenas, materiarius Flaccus ipse, in
cuius funere elugendo, vsq. adeo dolori indulgere
se prædicat magnus ille Musarum antistes, vt om-
ne annulorum ac pretiosorum lapidum studium
(in quibus ad insaniam vsq. ad id tempus deditus
fuerat) nimia iam mæroris impatientia in perpe-
tuum porro abiecis- se, ac tantum non eiurasse vi-
deatur. Verba sic sonant dignissima hercule quæ
hic integrata potius, quàm apud Isidorum cor-
rupta, ac sine vilo bono sensu legantur. Nam quid
obsecro

obsecro lectionis est illud?

Thynicus purus est, primum in Bithynia fabricatus, quem olim Thynum vocabant. Flaccus (mendose: Mæcenatem enim dicere voluit in obitu Flacci, quem vitam suam appellat, insolabiliter miseratē, atq. affliçantem sese, nimisq. molliter ægritudinem ferentem)

Lugente mea vita, nec smaragdos Berillosq. mi Flacce nec nitentes, per candida margarita quero, nec quos Thynicā limā perpolibit anulus, nec laspius lapillus. Vides numeros innumeros, ut fluctuent potius, quā fluitent, ipso Mæcenate dissolutiores laxiusq. discincti. Neq. mirum, verborum structura hiulca adeo, ac deprauata; & in quam magis bono cum iure, quā in Tabellas Phœnicij conveniat Plautinum illud:

Hæc quidem pol credo, nisi Sibylla legerit,

Interpretari alium potesse neminem. Ita quoquò oculos atq. animi mentem convortas, nec pes vs-piam, nec caput comparet in tam perplexa ac septuosa dictione. Sed erūt qui aliunde medicinam petendam clamitent. Acclamarem & ego, si tamē idoneum ei morbo Aesculapium reperitare nunc posse considerem. Et verò in ipso Turnebo auxilij quæ copia, ita in Adversariis suis nescio quā castigatos, ex ingenio, an chirographis libris, eisdē versus repræsentante?

Lugent te, mea vita, te smaragdus,

Berillus quoq. Flacce, nec nitentes

Nunc per candida margarita quero:

Nunc

*Nec quos Thynica lima perpoluit
Annellos, nec laspios lapillos.*

Lauda curiosæ industriæ experimentū, successe-
sum non item: Duos posteriores Phaleucos exci-
pio; qui mihi examussim probi, & quasi lima ista
Thynica perpoliti videntur. In ceteris, non quidē
numerorum mensorem (iam enim Phaleucos esse
eōstat) sed gemmarium probiorem desideres; qui
Smaragdos Berillos, deniq. *Margarita* ista (Cilnianū
genus sequor), meliore porro politura, pristino ni-
rori restituat tandem, me mangone & artifice ad
istam faciem interpolatos atq. distinctos.

*Lugens te (mea vita) nec smaragdos,
Berillos mihi Flacce, nec nitentes.*

Inter candida margarita quero Græ.

Berillos (ut vides) inter candida margarita eni-
tentes, concinnaui, hoc est, unionibus exalumina-
ris alterno textu interpositis scintillantes. distin-
ctionem eiusmodi à Pliniano artificio mutua-
tus. Cuius hoc oculatum de Lollia Paulina orna-
tu testimonium libro ix. cap. xv. tanquam Tabu-
lis publicis planè & probè consignatum exstat.

*Lolliam Paulinam, quæ fuit Cæj principis matrona, ne-
serio quidem ac solenni ceremoniarum aliquo appa-
ratu, sed mediocrium etiam sponsalium cœna, vidi
smaragdis margaritisq. opertam alterno textu ful-
gentibus toto capite, crinibus, spiris, auribus, collo;
manibus, digitisq. Commune porro eum smarag-
dis vini, efficaciamq. naturæ Berillos habere docet
nos idem Naturalium rerū scriptor libro xxxvi. f.
cap.*

cap. v. nisi si quis fortè rescribendum censuerit potius:

Beryllos mihi (Flacce) nec nitentes,

Nec percandida margarita quero. Vel etiam *precandida*. Vtrumq. certè probabilius, multoque Cilniane sententiæ accommodatius, quàm quod doctis aliquot placuisse inuenio: *nec nitentes*

Nuper candida margarita, quero. Quæ scripturæ ratio haud magis verisimilis sit mihi, quàm Trachalioni Plautino Comicum illud commentum Gripi, de vidulo pisce. Correctionem verò nostrâ verbis exornare quid attinet, ipsis etiam lapidibus illis (præfiscinè hoc scripserim) quibus versiculi Mæcenatici decenter variati, & quasi stellulis quibusdam distincti internitent, illustriorem clario. remq;? Idem de immoderata & insana lubidine, quam in gemmarum ac lapillorum, præcipuè Beryllorum ostentatione habuit Mæcenas, dictum velim. de qua, quia multi ante nos dixere, prætereundum puto. simul, ne quis existimet, gloriam aliena virtute partam nos usu nostram facere vel- le. à qua scabie paratè semper cavi, ut ungues tenerem; hætenus quidem, quod sciam. idq; in posterum porrò mihi imperare decreui, ne Laurentium legi fraudè faciam; hoc est, ut ne quid alienum in armum tollam. neque illi qui faciunt, mihi placet; planè loquor. Vno proinde exemplo contentus Lectorem absolvam. quod mihi quidem, ex C. Pedonis Elegia, Virgilianis Catalectis falso adstructa (qua ipsius Mæcenatis & Albinovano

illi & doctis omnib⁹ calamitosum funus ploratur) decerptū, huc non inscitè facere videtur. Sic enim de Beryllo Mæcenati (dum viveret) in deliciis habito, Poëra multo delicatissimus: 315

Vincit vulgares, vincit Beryllus arenas,

Littore in extremo quas simul unda movet.

Quod testimonium laudatum eo lubētius nobis, quo sententia imperfectior, minūsq; prioribus cohærens. Vnde suspicio est tum ante, tum etiam post distichon istud multa in Elegia illa desiderari: in quibus fortasse Mæcenatem defendebat Pedro, quod immodico gemmarum amore flagraret, præsertim Beryllorum, sicuti ostendimus antea, in aureo illo, ne dicā gemmato Mæcenatis Epigrāmate. de quo etiam illud iam videor didicisse; purorum annulorum, hoc est, ex auro, argentove mero, & solido constantium poliruram, nulla interposita gemma, Bithynis inventoribus deberi, unde & nomen, si quid Isidoro credimus. Neque adeò mirum. natio enim illa mechanica tota, atq. industriosissimè persequi solita eas artes, quæ ingenio non minus quàm manu perficiuntur: non quidem auro argentove in laminas attenuando modò, bracteolisq. limandis, sed verò ferri acie ac duriore etiam materia tractanda, atque inde utilibus parandis victum suum facillimè exercentes; neque cultrario minus, quàm annulario opere, insignes. Favet coniecturæ huic nostræ Fragmentū Varronianū, quod è Satyra γέροντι διδασκαλῆς producit Nonius. Sic enim inibi: *Nescit cultrō coqui-*
mat

nari se traiecit: nondū enim inuenti erāt cultelli empestatē
(importati emendabat doctissimus Lipsius) e Bi-
thynia. Neq. aliò referūdum id quod Carminum
libro 111. Oda. VII. Asteriē, de viri sui ad Bithy-
niēsem mercatum profecti, diutina absentia mæ-
stam, consolans scribit Horatius:

Quid fies, Asterie, quem tibi candidi

Primo restituent vere Fauonij,

Thyna merce beatum,

Constanti iuvenem fide.

Gygen? quā ad mercimonia eiusmodi an-
 mellorum & cultellorū, quos dixi, ē Bithynia quo-
 tannis mari illo longo & magno in Italiam trans-
 vectari solita, nisi si quis de Lecticis fortē. indidē,
 ubi natæ & inventæ, navali porro Gygis opera
 ac vectura Romam transportandis, Horatianam
 hāc Mercem accipi oportere existimet. Vel etiam
 tertium illud Fungorum genus intelligēdum per-
 suadeat sibi, cum Suillo nomine: cuiusmodi probē
 antea desiccatum, atq. ita iuneo transfixum ē Bi-
 thynis Romam usq. trans mare venum mitti cō-
 fuisse, observasse videor in Plinio. Quibus tamen
 suspicionibus nostris si subscribam, fungus sim
 ipse. Vt ut est, omnino nec novorum, nec veterū
 commentis suffragari possum; qui quasi in vela-
 bro olearii rem de compacto gerentes, omnes uno
 ore pariter de Pseudoporphyrionis sentētia, *Thy-*
nam Mercem, Ponticam, interpretantur; eo quo
 Thyni Pontō cōfines. multo minus illis, qui *Merci*
nomine Bithynā servitia significari (quæ Delum
 allat.

allata in maxima copia venūdari solere notat Strabo) fidem nobis facere conantur: contra promer-
 calis disciplinæ morem, & (quæ ratio maxima est) 316
 Latinæ elegantia Leges; quibus seriò hercule &
 severè iam inde ab antiquo cautum, ne Mercatu-
 ræ nomine venalium, hoc est, mancipiorum gre-
 ges censerentur. Quid? quod Mangonium vbique
 Mercatura, & Venalitios (quod genus vrbane
 Cappadocum Reges indigitat Flaccus) à Merca-
 toribus discretos dispretosq. videmus. Cuius Le-
 gis ratio Poëtæ huic nostro ita temere migranda
 non fuit, haud magis utiq.; quàm Plauto utrum-
 que genus ita distinguenti in Trinummo:

Mercaturâ mne, an venales habuit, ubi rem perdidit?

Ad Bithynum, hoc est annularium & cultrarium
 quæstum etiam vide, an aptari possit, quod in E-
 pistolis scribitur:

Cave, ne portus occupet alter:

Ne Cibyratica, ne Bithyna negotia perda s.

CAPVT II.

*Loca aliquot Horatii ab illustris cuiusdam viri cri-
 minatione defensa. Insignis tenui fronte. Cervix
 rosea. Quæ sitis patiens.*

M V L T A sunt in veterum scriptis, quæ ex illo-
 rum potius quàm nostra vel cōsuetudine, vel opi-
 nione pendent. Quarum duarum rerum ignora-
 tio, ingeniis etiam Lynceis glaucomam interdū
 ob oculos obijcit, quò minus verum dispicere

B

queant,

queant. Sicuti magni cuidā nominis viro euenit; qui Lycoridem Horatianam placere negat sibi. idque epitheti vitio, quod puellæ eius fronti à Poëta laudatore tribuitur. Summa accusationis hæc est; neq. ad decorem, neq. ad venustatem facere tenuem frontem. Quam ego sententiam eius non inscitā (quis enim de tali viro hoc dicere ausit?) sed alienam prorsus ab antiquitatis ratione existimo. ad quam etiam hoc omne, quicquid est controuersiae, cupio referri. & quidem multo potius, quàm ad nuperos & nouitios istos præpositè elegantes formarum spectatores; qui omnia ad ætatis suæ morem, quasi regulam exigunt; neque cogitant multa antiquitus vitio data, quæ nunc mutatis rerum temporibus audissimè appetuntur; laudique etiam ducuntur. contrà alia in opprobriū, versa, quæ singulari apud illos gratia, summisque laudibus floruerūt. Quo in numero etiam tenuis iste quem dico frontis modus censeri potest; cuius adeo Horatiū nō puduit, vt etiā hoc ipsum in eximia pulchritudinis laude posuerit: nec alia magis te insignem prædicauerit Lycorin suam. quem veteres Interpretes secuti, *tenuem frontem*, angustam & pauxillam interpretantur, sicuti pulchræ habere consueuerunt. Frons enim minor (teste Porphyrione) pulchriorem reddit mulierem. Pulchrè quidem illi, & longè Antiflacco nostro scitius: ceterum (ut Iureconsulti loquuntur) nihil allegant. quod ne & mihi hoc loco aliquis obiectare possit, alterum eiusdem Horatii

ratij exemplum quasi succedaneum dabo. Id est huiusmodi: — Reddes

Forte latus nigras angusta fronte capillos.

Cui succinit & Silius versu illo:

Et castigata collecta modestia frontis.

Id est, concinna quædam breuitas, ac mediocritas frontis. quæ quanto apud veteres herôas illos honore fuerit, hinc existimari licet. Nam quid ego aut Petronium, aut Martialem commemorem? quorum alter, *Frontem modicam, & quæ radices capillorû retro sparserat*, in Circe sua admiratur: alter verò puerum, cui præter alias formæ dores, etiâ *Frons brevis, atq. modus breuiter sit naribus uncis*, locari sibi in votis ponit. At video hic mihi statim obiectum iri, modicam & angustam frontem, uti & cætera omnia naturæ bonum esse, neque cuius homini concessam. quæ mihi planè confiteri libet.

Quid ergo (dicent) hac parte destitutis fiebat? Solæ ne amabilitatis expertes erât? iisq; frontis amplitudo obstabat, quò minus formosæ videri, virisq; complacere possent? Mane; istuc ibâ: Siquidem huic generi nunquam defuit ars sua, qua naturam ipsam interpolare, viriumq; illud, sicut cetera pleraq. ex parte sua callidè emendare possent.

Testatur id abundè festiuissimus illè leporum ac facetiarum pater Lucianus his verbis: *Καὶ περιεργοὶ μὲν αἱ μέχρ' ἰ τῶν ὀφρύων ἐφελκυσμέναι καὶ αὖτις πρὸς τῶν μετώπων μελαινχιμοὶ ἀφίστησι.* Unde liquidò apparet, eas, quibus latior aliquanto & spatiosior modus frontis obtigerat, hoc remedio usas, ut cri-

nes à vertice collectos ad supercilia usq; adducent, atque eiusmodi adminiculo arctiorem sibi & breuiorem frontem concinnarent. Quò etiam referendus locus ille Senecæ, vbi de breuitate vite agrans, mollitiem, luxum, ambitiosissimasque seculi sui delicias nō minus castigat graviter, quàm argutè perstringit.

Quid illos otiosos vocas, quibus apud tonsorem multe horæ transmittuntur, dum decerpitur, si quid proxima nocte succreuit, dum de singulis capillis in consiliū itur, dum aut dissecta coma restituitur, aut deficiens hinc atq. illinc in frontem compellitur?

Hinc atq. illinc; id est, uti ego ex Luciano interpretor, utrinq. à temporibus, seu potius utraque aurium parte ad supercilia usque collecta adducitur. qua ratione fiebat ut breue admodum interstitium fronti relinqueretur: cōtra morem ac sententiam Venerum nostratum; quibus in hoc vnū cura omnis consumitur, ut frontem quàm latissimè diductam amatorculis suis exhibeant: depilando assidue sincipur, ac capreas volfcellis expungendo, extirpandoq. radicitus; quoad usq. ita se glabras ac leues reddiderint quàm olim sunt oves, quum scabie tērantur. Atque hæc ad Insignem tenui fronte Lycorida annotasse sufficiat. nunc ad Telephum veniamus, cui Ceruix rosea, tribuitur à Poëta. Quo epitheto colorem quoq. indicari suspicatur idem ille, quem dico, vir doctissimus: ideoq; Lydiæ amatori non convenire; sed Lacteā. persuasus opinor, *Rosentm*, ybique pro rubro accipi oportere.

oportere. quod non credo, quippe qui sciam variâ
passim rosarum genera existere; & ubiq. ferè ter-
rarum tam albas quàm rubras, hoc est, bicolores
provenire atque erumpere videam. nisi quis fortè
collum istud Roseum, læve, floridum ac splendens,
& quod Græci *ἀγλαός* reddunt, interpretari mave-
lit. quomodo idem alibi *Olores* induxit *purpureos*.
Fuit olim tempus cùm Fruterij mei auctoritate
permotus, longè ab his diuersam opinionem secta-
rer, censeremque, Roseam cervicem, aliud nihil
esse, quàm strophis, hoc est fertis redimitam: ut
respexerit Poëta Lyricus ad corollarū eius seculū
in conviviis luxum; quibus non modò vina & ca-
lices coronare mos erat, verum etiam capita, colla,
ipsosq. adeo humeros discumbentium. cui rei ar-
gumento est illud ex 1 v. Lucretij libro:

Tum caput, atq. humeros plexu redimire corollis

Floribus, & foliū lascivia leta iatebat.

Quò spectat etiam Tibulli illud:

Et capite & collo mollia ferta gerat.

Iam verò ad brachia eiusdem Telephi quod at-
tinet, quis—nam ita Thamyras quæso, ut non vi-
deat epithetū istud, *Cerea*, idē quod mollia, flexi-
bilia, atq. in morem ceræ, digitorum pressantium
attactu subsidentia, significare? indicio certè est
illud, ipsius inquam Horatij, ne quæram foris: *Ce-
reus in vitium flecti*. nisi si cui potius Porphyriionis
sententiam sequi consilium est, & *Brachia cerea*; te-
reria atq. ut è cera efficta putes, interpretari. cui
affine, quod nos patrio sermone enunciamus:

Est up tēn was gedzæpt waer / partem aliquā
 corporis solidam, teretem, & quasi ad Phidiacum
 unguem, hoc est, ex amussim fabreque oppidō po-
 litam circumloqui volentes. Nam quod noster ille
 hoc loco de colore cereo Poëtā agere captiosè cri-
 minatur; in exemplum, Cerea Virgilij *pruna* ad-
 ducens; id verò prorsus mihi omnis coloris, ex-
 pers videtur, minimeque dignum, quod à tanto
 viro vel dicis causa cogitatum; nedū seriò aduer-
 sum putetur. Sed quoniam nos Telephi huius lo-
 cus admonuit, idoneum visum est, alterum Ho-
 rarij ad eundem pertinens exemplum huic capiti
 assuere, Phyllidi, hoc est, novissimis amoribus suis
 inscriptum. Neq. enim posthac eadē fortasse fu-
 tura est occasio: & Dionysius Lambinus optimè
 ac diligētissimè omnium, qui in Horatium scrip-
 sere, commētatus, Poëtæ hoc loco sententiā haud
 satis mihi assequutus videtur. Quod ut strictim
 expediam, prius dico omnibus, animo meo haud
 quaquam satisfacere secundi versiculi interpreta-
 mentum: quod in Pseudacronis verba quasi con-
 iurati non Lambinus modò, sed verò & priores,
 quātum fuit, & posteriores quoq. interpretes am-
 plexi. Nam quanti obsecro est illud? *Telephus quem*
tu amas & expetis, in puella tibi valde dissimili loco, re,
genere, (hoc est, non professionis meretricie aut de levitate
sogata, quemadmodum tu, verum & diuite, & nobili) a-
more suum collocavit, eiúsq. amore irretitus est. Ego cer-
 tē Sotero istam cum dictione proximè sequenti,
 puta nō iuuenem copulati verius censeo, diverso
 intellectu;

intellectus; ut ad Telephum scilicet, non autem ad puellam, Telepho in amoribus habitam, referatur; hac cōstructione: *Telephū iuuenem non tuæ sortis, hoc est, non tui ordinis aut loci; eoq; disparē amatorem tibi occupauit puella diuēs, ac fortune eius convenientior*. Et mirum nō hęc Chloë fuerit illa cuius superiore libro mentio, Oda XIX. ipsi Telepho inscripta, his verbis:

*Spissa te nitidum coma,
Puro te similem, Telephe, Vespere
Tempestiua petit Chloë.*

*Iam quod ab eodem subiungitur,
Tenetq; grata compede vinctum;*

consentaneum illi; *Grata detinuit compede Myrtale*. Sed nos hoc caput candidum ad calcem ducamus: Lyricisq; relictis ad primæ eiusdem Satyræ locum paratè aliquādo progrediamur: vbi paruulæ magni laboris formicæ exemplum proponitur:

*Que simul inuersum contristat aquarius annum,
Non usquam prorepat; & illis utitur antè*

Quæsitus patiens. Quid simplicius, aut apertius? Et tamen is ipse, quem dixisse me sentio, de hoc loco agens, Horatium etiam supra Satyrā ampullatū ausus est scribere. Sanè quas ampullas dicat nescio. nam neq. Tragicis metaphoris, neq. verbis sesquipedalibus uspiam in his versibus usum convincere potest; & si sonum numerorū spectes, nihil suauius. Quærit deinde, quid sit, *Patens*? concluditq. ad extremum totum tempestas illud, quo paratis & quæ sitis utitur, nihil pati formicam.

micam non igitur patientem, sed genialiter gaudentem à Poëta induci debuisse: Quæ magni viri manifesta calumnia Lambino & nostris occasionem præbuisse videtur locum pervertendi; & pro *Patiens, Sapiens* nobis (si Dis placet) obiectandi. quàm sapienter, aut probè, sapientiores arbitrabuntur. Ego certè patiundum nō puto, ut *Patiens* istud *Sapiens*, de loco decedat; in persona formicæ præsertim; quam Horatius refert, per æstatem conditis, ac repositis alimentis hyeme demum uti; vitamq. antepartis oblectare; non sapientem, ut vult Lambinus; (alioqui enim frustra antea *laudignaram, ac non incautam futuri*, prædicasset; idē cum *Sapiente* significantia) verum, ex receptæ lectionis sentētia, *Patientem*, hoc est, parcā, frugalem, continentem, seu potius contentam quæ sitis. quomodo idem Satyra vi. Libro i i.

Quid te iuvat (inquit) amice,

Prærupti nemoris patientem vivere dorso? Vnde radices nō dico egisse, sed tamen egisse videri posse vernaculū illud nostrū: *Hy lydtlich met tgnit t hem God berleent heeft.* quorū indicatē volumus quempiā sorte sua lætū ac contentū vivere.

CAPVT III.

Oculi irretorti explicatio apud eandem.

Q V O D Satyrographorum princeps, monet: *Non semper vulgus rectum videt, est ubi peccat: id quātō verius in huius seculi Observationum Scriptores*

res

resiaci potest? quorum tanta est inter se discrepantia, ac varietas, ut in illos potius, quàm in Advocatos Agarastoclis convenire arbitrer Plautinum illud;

*Hodie iuri doctiores non sunt, qui lites creant, Quàm sunt hi, qui si nihil est litium lites ferunt: Quibus aliud nihil consequuntur, quàm ut Lectorem ex incerto incertiore dimittant. Quamquam aliis alia licentia est. Qui mediocri & ingenio, & iudicio præditi aliquid in commune adferunt, si quid fortè ignorantia deliquere, paucos errori suo fundos, hoc est, suffragatores inveniunt. fama, atq. industria eorum pares sunt. eò fit, ut ab hoc genere raro aliquis decipiatur. Qui verò scientiæ gloria clari, gratiâq. pollêres cluunt, opinione magis, quàm rei veritate subnixi, quasi regnû quoddam in hac literaria provincia nostra usurpantes, verâne an falsa dicant, parum interdum pensi habent, dummodò id, quod lubeat, dicant, ceterosq. in suam sententiam perducât. Nec magni negotij est persuadere volentibus. facile fidem inveniunt etiam a peritissimis. quippe qui sciant, capitale esse, aliter atq. *volens* sentire. Ita summæ eruditioni hoc fere adiunctum est mali, ut ipsi primitus errantes, alios etiam de suis verbis (in quæ plerique iam intrasse videntur) omnes porro errare; pariterque in diversum secum à vero & recto præcipites ire cogant: Sicut grex totus in agris *Vni* scabie cadit, & porrigine porci. Hanc ego de me coniecturam facio, quem non semel huiusmodi Heroum commen-*

320-

tationes dolosa specie in transennam duxerunt; quas postea ad veri investigationē cōversus reapse falsas fuisse deprehendi. Quæ causa fuit tandem, ut de fide eorundem non nihil addubitare occiperim, meq; adeo ipsum stultitiæ damnare, quod illis (cum Lucrerio dicam) plus viderem tribuisse, quam par est concedere mortalibus. De Lambino & Turnebo loquor, quos etiā, proinde ac nos, homines fuisse, ideoque interdum hallucinari, atque à vera ratione labi potuisse, hoc, uti spero, exemplo pervincam. Scribit Horatius lib. 1.1. Oda 11.

*Quisquis ingentes oculo irretorto
Spectat acervos.* Quibusve bis Lambinus cum significari cōtendit, quicumque oculos animi sanos & integros & validos habet, ita ut non reflectantur auri splendore, vel cuius animi acies nō vincitur auri fulgore sibi obiecto. Idem ferè sonare videtur expolitio Turnebi: excepto, quod ille quædam etiam de opinione adducit, cuiusmodi sunt ista: Eum qui pecuniæ avidus est, ad eius acervos subinde retorquere oculos, ac pæne strabum effici, nec sic ab ea auelli posse, quin oculos identidem reflectat, ut eam respiciat; magnæ aviditatis argumento. Quod ut nobis persuadeat, addit insuper de suo, Veteres olim eos, qui alicuius rei nimia cupiditate tenebātur, *strabos fieri*, dixisse. quod ego (more Plautino dicam) neq. fictum, neq. pictum, neq. scriptū in poëmatis usquam memini legere: mirorq. vbinā vir, oculatus adeo, oculos habuerit, mentis nō corporis dico, cū huiusmodi commentaretur.

324
raretur. Nam quod idem Varronis & Lucilij testimonijis hoc ipsum præstare se posse arbitratur; hoc verò quid aliud est, quàm ipsummet gladiū mihi in manus dare, quī se iugulem? Sed præstat exempla ipsa in mediū protrahere. Ait itaque Varro (flextabulis *περί ἱπαρχίας*) *Multi enim, qui limina intrarunt (lego, intrarant) integris oculis, strabones facti sunt. Habet enim quiddam ἐλαφύτιον, provincialis formosula uxor.* Lucilius verò seipsum interpretatur, quum, *Inuidere*, præcedere facit. nam de avaritia verbum nullum. Locus ita se habet:

Nulli me inuidere, non strabonem fieri delictū meistorum.

Strabonem fieri, id est, inuidum: oculorum enim distortio iure optimo invidis tribuitur, non item avaris (ut vult Turnebus.) Id quod clariùs liquet ex scitula illa & graphica Invidiæ descriptione apud Ovidium. atq; huc allusum ab Horatio nostro in Epistolis, cum scribit:

Non istic obliquo oculo meâ commoda quisquam

Limat. Vides, ut omnia inter se cōcorditer congruant, vociferenturq; pariter; *Oculo irretorto spectare*, aliud nihil hoc loco significare, quàm, oculo recto & integro, non pravo, nec strabonū in morem, atq; (ut paucis multa simul complectar) sine invidia & sine dolore spectare. Hoc propterea istuc visum est addere, quòd qui aliquid, quod nolint, vident, quīq; præ invidia strabi idēidem redduntur, ijs etiā, oculos dolere antiquitus dictitatum sciam. Quod ne alicui porro & hanc dissertatione :

28 IANI DOVSÆ IN Q. HORAT.
tionem nostram lecturo eueniat, cauto est opus.
Nam (ut inquit ille) *Inuidiam quod habet, non soles
esse diu.* Itaque finem hîc faciam.

CAPVT IV.

Horatij loci duo expliciti, alter etiam emendatur.

INTER tam multa, tamque varia potorum
genera, quibus regio hæc nostra cum primis obno-
xia est, nullos iniquiores esse, nec minus bono cū
iure, satis acceptum est mihi; quam Tricongiales
Modimperatores istos, quibus parum videtur ad
imū usq. gutturem (Plautissare me scito) se-
metipsos vino ingurgitare, nisi & aliis insuper hæc
incommoditatem obijciant, ut quantum ipsis ex-
antlare visum fuerit, tantūdem etiam illi cui pro-
pinarunt, adfundi atq. admetiri iubeant: eumque
tam diu vi, violentia, ac vinolentia sua propellant,
donec omne quod infuerat, unā pariter cum fece
exsiccaverit; fundum canthari inversum tori co-
ronæ repræsentans; haud aliter, atque olim pueri
solent, cū dictata præceptori reddunt in schola.
Atque ego, met adeo me cum ceteris popularibus
meis vnā ibidem traho, qui istiusmodi hominibus
ut placeant (Dij boni) quæ non carchesia, quos non
cullos amysside obducunt? Quamquam hanc
crapulariam operam cognatis, affinibus, amicis,
clientibus, ciuibus denique suis denegare quis au-
sit, nisi qui eosdem inimicos, & quidem capitales,
capere sustineat sibi? quod quidem mihi facere
religio

322
religio sanè multo est maxima; qui, vt homines
sunt, ita porro morem gerere animum induxi
meū. Quid enim? fugiendi fortasse huiusmodi
incommoditates voluntas est nobis, facultas non
item: haud magis, quàm Bassiatorum occursum a-
pud Celiberum Poëtam: quorum ingratas, adeo-
que intempestiuas osculationes eodem prorsus
loco habeo, quo pomeridianas symbolas istas &
postcænia nostratum. quibus hoc demum conse-
quuntur, ut odiosi potius, quàm officiosi amicis
fuisse inueniantur. At quinam, obsecro, sunt isti?
Homines Bacchicis magis, quàm Musicis sacris
initiari, strennui quidem bellatores illi, sed can-
tharo, & bibendi gloria potissimum; eoque fasti-
dientis stomachi semper, atq. esca minimæ: nec e-
nim quod in ventrem, sed quod in vesicam eat, ca-
rum æstimant, liquidissimum inquam, illum Li-
beri florem; quo se, suosq; , & aliorū pantices ita
madefaciunt, ut nunquam nisi distenti sufflatiq;
è tricliniis excedant; auferantur volui dicere.
quos mehercle jam pridem elatos oportebat. Hoc
enim satius fore duco; quàm ita miserè vino de-
poni, atq. in soporem vitos, an mortuos; mortuâ
certè vitâ viuentes collocari quotidie. Atque hæc
cum ita sint, eidem tamen illi, quos dico, ebriosi-
tati suæ candoris & innocentix velum obtendere
audent; quasi à proditione omni, malitiæque præ-
ceteris remotissimi; quæ non ignota seculo nostro
mala, haud temere in sui ordinis homines, puta in
Pholos, ac Tricongios cadere posse iactitât, idcoq;
societatis

societatis & benevolentiae augenda magis, quam
 sitis sedandae gratia hilarescendum, vinoque aetate
 impensius irrigandam; quò apertiores videamur
 scilicet; cunctasque à nobis perfidiae suspiciones se-
 gregemus quàm longissimè: invidiam temulenti
 nominis speciosa circuitione emollientes. Quasi
 verò & integritatis & amicitiae vis omnis in vino
 & poculis modo, ac non potius in mutua animo-
 rum consensione, aptaque morum ac voluntatum
 similitudine consistat? unde fit, ut saepe etiam in-
 viti, atq. ingratis nostris ad vinum accedere subi-
 gamur. idque ad praescriptum eorum, quibus, tota
 aetate per temulentiam transacta, pergracari iam
 consuetudine in naturam vertit. Quae singula me-
 cum, & cum animo meo quoties attentius accu-
 ratiusque considero, tum verò diversa sequentes for-
 tunatos praedicare, atq. aliquò ad Musas in hospi-
 tium diuorti me iuvat, Horatianum illud subin-
 de exclamantem:

*O rus, quando ego te aspiciam, quandoque licebit
 Nunc veterum libris, nunc somno & inertibus horis,
 Ducere sollicita iucunda obliviae vitæ?*

*O noctes, caenaque; Deum, &c. in quibus illud ego
 in primis lepidum & liberale duco, quòd, nò more
 nostro, neq. in leges propinatoris, sed ut cuique
 libido est,*

*Siccat inaequales calices convivia; solutus
 Legibus insanis; seu quis capis acris fortis
 Pocula, sed modicis, humescit letinus. ergo
 Sermo oritur; non de villis. &c.*

Sed quoniam nos huius loci res admonuit, idoneum visum est, paucis, de eo quid sentiam, exponere. Quod summam ut faciam, prius dico omnibus, haud quaquam satisfacere explicationi meae, capit, illud: sed pro eo, cupit, rescribendum videri. Etenim, *Acria*, in hac cœna, non acris vini pocula, verum ampla atque ingentia interpretor: quomodo idē alibi *Acres potores* induci. Neq. dissentit Lambinus. His enim mox *Modica* opponuntur, quibus aliquem cum latius humefcere dicit, non illud credo significare vult Poëta, aliquem letius aut hilarius minutis poculis & quasi pitissando sensim inebriari, seu madescere: verum potius: seu quis medicis irrigatur, uel scitq. lubentius: hoc enim, *letius*, est. Sensus itaque erit: seu quis magna & capacia pocula poscit sibi, seu potius minutis & rorantibus cyathis exhilarari, amœnitatemq. interibi (uti apud Plautum est) in ibeo & vino actubās exercere mavolt. Sed & *Ergo*, quod ordine deinceps sequitur, alio significato, quam vulgò solet, dictum accipio. credoq. pro *Deinde*, posita positi hoc loco. quomodo etiam *to igitur*, uia Latinitas vetus. Sed de his satis superque: ad alia porro conuertamur; non dico ad symposia & cœnas, denuò, unde me semel pedem fugituum tulisse est satis: verum potius ad amœniorē aliquem eiusdem Horatij secessum: cuiusmodi est ille:

Non est, neq. aureum

Mea, remisit in domo letum. In cuius Ode enarratione

enarratione gratulor mihi post tot Commētatores relictum esse, de quo eius Poētæ studiosis gratiam facere & velim & possim. quod tamen non mihi, sed ipsi Horatio, cuius res agitur, acceptum postulo referri. Id est huiusmodi:

Nec Laconicas mihi

Trahunt honeste purpuræ clientæ.

Hoc est, (uti ego exponendum ariolor) pulcræ & formosæ. Atque hanc coniecturam de altero eiusdē loco ex Satyra 11. primoris libri facere posse videor, ne quæram foris. Quam quidem ego scriptores veteres interpretandi rationem multo optimam & certissimam semper esse iudicaui, atque etiam nunc iudico. Sed verba ipsa adscribam optimum est.

Adde huc, quod mercem sine fucu gestat, aperte

Quod venale habet, ostendit: nec si quid honestum est,

Laetatur, habetq; palam; querit quo turpia celet.

Honestum, id est, pulchrum, uti dictum est supra; diuersum à turpi, quod sequitur. Cui consentanea est etiam Comica illa loquutio: *Honestæ facies & liberalis.*

CAPVT V.

Latentes ora que sint apud Horatium.

HORATIUS Flaccus Libro 1. Oda XVII. de Cleopatra Aegypti Regina, virilis audaciæ femina, agens; quoniam, re malè apud Actium gesta, ab Augusto victa discesserat, narrat illâ generosè
potius

potius vitam ponere præoptasse, quàm in triumphum à victore captiuam deduci, atque interim alienæ superbæ ludibrio esse: ideoq; (quæ illius magnanimitas fuit)

Nec muliebriter

Expauit enssem, nec latentes

Classe cita reparauit oras.

Verè inquam latentes: quippe quæ tanto iam tempore Interpretes nostros latuere. quorum pars magna Porphyriionis sententiam, nonnulli auctoritatem Acronis laudasse, alij nescio quam ex Figuris Grammaticis Hypallagen nobis ob oculos adduxisse, quasi pro munimento habent. Digni meo iudicio utique, quorum glossæ in extremas & latentes Ægypti oras deportentur, quæ quidem sint ad istam faciem. quas ego omnes, cuiusunque modi videntur, tam nihili esse duco, quàm quod de Codri nullitate Iuuenalis. Quin ergo, dicet aliquis, tuam nobis, melior quæ sit, opinionem aliquando expromis? Imò verò hoc ago, atque in eo sum totus, quò videlicet, *Oras istas latentes*, in oras luminis, atque in aprium, quantum potest, educam. neque me puto quemquam frustraturum. Igitur eas intelligo, non partes remotas, & abditas regiones Ægypti, ubi vel in occulto latitare, vel novum exercitum aduersus Cæsarem argento facere, regijs opibus suis confisa, de integro posset

C

Cleo-

Cleopatra: sed neq. cum Cantero nostro orationē
 inversa vice prolata esse, animus induci potest.
 Quid ergo? Ipsissimam Aegyptum, quam recu-
 perare, praesidijsque in tempore, uti oportebat, fir-
 mare, Antonij luxu & amoribus, quasi tenaci coe-
 no immersa, ac praepedita neglexit; & quidem to-
 tam, non verò partes aliquas penetrales, vel etiam
 limites eius significari, persuasum est mihi. idque
 ipsius Ciceronis indicio, *Recondita* epithetū Ae-
 gypto assignantis haud semel, credo ab hac causa,
 quòd, ut prius Latium perfugium Saturno, ita &
 mox Aegyptus opportuna praeter ceteris visa, quae
 quasi asylum, hoc est, latibula, receptumq. tutum
 Iovi, Disque ceteris fugitiuis praerberet: ubi deser-
 to Olympo, felium, canum, crocodilorum, ser-
 pentium, pithetiorum specie personari atque oc-
 culti fallerent: tantisper saltem dum metus à Cen-
 timano Gya, & bellum grave cum Gigantibus po-
 situm esset, Titanicaeq. consulescerent turbæ. vel,
Reconditam dic, ob montium cælo minantium per-
 petuos tractus, quibus, media, quasi in latebris suis
 sita, utrimque ab lateribus recta includitur: quo-
 modo & Latium dictū autumat Varro, quòd vi-
 delicet lateat Italia inter praecipitia Alpium & A-
 pennini. Cæterum (ut quod res est fabuler) neu-
 traharum cōiectura etiam satisfacio mihi. & pro-
 fectò probabilius videtur ut à Nilo, Rege illo flu-
 uiorum,

uiorum,

uorum, hanc auctoritatem petamus. cuius fontes adeo obscuri, ne dicam, ignorabiles, usque adhuc quidem rerū Naturæ exploratoribus habiti sunt semper; ut etiam veteri Prouerbio in novos homines dederint occasionem, unde & Fallacis cognomentum apud Martialem inuenit. Scio absurdè dictum hoc derisores dicere. Atego aio rectè & poëticè in primis. Nam quī minus quæso *Oras latentes* pro Aegypto usurpare liceat nobis; quàm *Nilotidas* seu *Niliacas bras* Martiali, quum utreque pariter & hæ & illæ unum eundemq. Nilum suum agnoscant auctorem? qui & ipse non raro per Synecdochen pro uniuerſa Aegypto à Musarum Sacerdotibus ponitur. Neq. adeo immerito, utpote ubi, & quasi fumen totius regionis, inibi quæ ita probè coloni (ut Plinius loquitur) fungēs vicem, ut illi potissimum Aegyptus debeat, quod communis olim orbis terrarum horrei appellationem adepta. Nam absq. annua rigatione fecundissimi eius fluminis foret; nec frumenta in illis locis grandiri, beneq. euenire; nec legumina florescere, aut ullo modo mitescere, in tanta aquæ cælestis penuria, possent, ut interim herbas ad rem cibariā utilissimas prætermittam: quarū ita prodigè abundante Aegyptū perhibet Plinius, ut etiam frugū subsidio destituta vel huius solius rei copia modò vitam facile tueri ac sustentare posse existimeretur.

Locorum aliquot conlationes. alia explicata. Domus exilis Plutonia. Comitern abnegare. Extructa diuitia. Platanus vidua.

MULTO S incertos certare hâc rem vidimus, cur *Domus Plutonia exilis* indigitata Flacco. Eius scrupuli exiles porro atq. inanes (cum Plauto loquor) Horatianæ lectionis studiosos ut faciam; *Exilem*, non quia ipsæ animæ exiles, hoc est, umbraticæ: vel quia inanis & vacua, secundum Virgilij illud, *Perque domos, Ditis vacuas, & inania regna* &c. sed verò arctam & angustam frequenti animarum concursu redditam. Plutonium domū interpretabor, haud exili sanè, neq. inani cōiectura ductus; ut videlicet insigni, nimisq. poëtica hyperbola significet Flaccus, per assiduas bellorū civilium cedes tam immanes acervos, hoc est, tantas iam pridem accessiones factas mortuorum, ut metuendum sit, resq. periculo non careat, ut ipse tandem Acheruns, tametsi maximus & vastissimus capacitate sua, satis porro futurus. non sit mortuorum gregi, id est, umbraticæ turbæ recipiundæ. Quam auxes etiam, quamquam in re diversa, idem vsus postea libro 3. oda 1.

Contracta pisces aquora sentiunt. Iactis in altum molibus. &c.

Eleganter & venustè ab iniuria piscibus, præter naturam

naturam suā in arctū coactis, illata; in contumeliā porro atq. invidiam ædificatium. Sed nos ad Plutonium Horatij domum, illuc unde abijimus, convortamur. de cuius exilitate, hoc est; non inanijs, sed angustiis loci etiam Papinius:

Angustaq; Tartara pœnis

Qui regitis. &c. A superiori causa ludos quoque in cymbæ Charoticæ exilitate fecisse videtur Ovidius, ita suo more argutans:

Omnes expectat avarus

Portitor, & turba vix satis una ratis. Inpuens nimia mortuorum frequentia fieri, ut animæ in angustum redactæ inter se mutuo conflictentur, nec cymba vectorum sit capax. unde misellæ illæ in ripa subinde vorsoariam portitoris præstolari coguntur, nisi elidi se malint, ab assidua confluentis turbæ multitudine pressatæ. Carminū lib. 1. Od. xv. Elegans porro, Musicæq. publi notandū illud dictionis genus, quo Paridi juveniliter ob raptum Helenæ ferocienti exitium præsens, hoc est, certum, haud arbitrarium ominatur fatidicus Nereus:

*Ne quiquam Veneris præsidio ferox,
Pectus casariam, gratæque feminis
Imbelli cithara carmina divides.*

*Ne quiquam thalamo graues
Hæstas, & calami spicula Gnōsij*

*Vitabis, strepitumq; & celerem sequi
Aiacem. tamen, heu, serus adulteros
Crines pulvere collines.*

Atque huic germanū illud, quod habes infra,
ubi eūdem ordinem obseruatū vides lib. 2. od. 14.

*Frustra cruen: o Marte carebimus,
Fractisq; rauci fluctibus Hadria;
Frustra per Autumnos nocentem
Corporibus metuemus Austrum.*

Visendus ater flumine languido

Cocytus errans: &c. Nam & ibi, *metuemus,*
pro, *vitabimus,* seu *cauebimus,* positum videtur.

Oda 35. *ad Fortunam.*

Te spes, & albo rara fides colit

Velata panno, nec comitem abnegat.

Sic & Ovid. de raptu Sabinarum agens: *Si qua
repugnabat nimium, comitemq; negabat.*

Vides enim Pronomen utrobq; subaudiri.

Neq. illa phrasis silentio obliteranda libri 11.

Od 111. *Et exstructis in altum.*

Diuitius potietur heres. Nam acervos & struices, non quidem patinarias, verū argentarias intelligit, à voce *Struere*, prò *Augere* posita antiquitus; teste Pompeio. vnde & Persius doctissimè,

Rē struere exoptas caso boue. Sed & Plautus noster *Aulularia*; ex persona sordidissimi Euclyonis:

Neque pol Megadore mihi, neq. cuiquam pauperi

Opi-

Opinione melius res structa est domi.

Eiusdem porro Odæ clausula vitio interpunctionis laborare videtur tam in Lambini, quàm aliis editionibus:

Omniū

Versatur urna: serius, ocyus

Sors exitura. &c. Quum oratio sit continens, atq. vno tractu perpetim legēda, medio colo inducto, ad hanc faciem:

Omniū

Versatur urna serius, ocyus,

Sors exitura. Urna enim auferendi non nominandi casu posita hoc loco. Oda vi.

Et amicus Aulon

Fertili Baccho minimum Falernis

Invidet uvis. Idem loquendi genus æmulatus & Papinius 2. Silvarum:

Et pralis non invidet uva Falernis.

Oda 15. *Platanusq; calebs*

Euincet ulmos. id est, sterilis, nec viribus coniugata, ut ulmus. Ab eadem causa Martiali *Vidua* appellata, illo versu:

Viduaq; platano, consiliq; buxeto.

Quid verò esse autumem, quod sub eiusdem libri finem scribitur à vate nostro Biformi?

Non ego, quem vocas,

Dilecte Macenas, obibo.

Neque enim dignum

gnum videtur, iis uti assentiar, qui, *vocas*; istud cū sequentis versus initio, construēdum hantolantur, ut sit ordo: O Mæcenas, ego non obibo, quē tu comiter oppidō & benedicē appellare solitus es, ô dilecte Horati: verū potius, quod mihi aliās in mentē venire memini, verbū illud absolutē positū esse, ut ad vocationes cōnaticas referatur, utque hoc dicat Horatius: Ego verò qui fortasse homo novus, & sine gente plerisque nunc videor, & quē tu, ô dilecte Mæcenas, familiariter esum vocare, & assiduē mensa tua communicare cōsuevisti, nō interibo, etiam si periero. Etenim domesticus Cilnio Equiti convictor Horatius noster. Idq. hoc ad ipsum Mæcenatē scripto disertē confirmat Octavianus Cæsar: *Ante ipse sufficebam scribendis epistolis amicorum: nunc occupatissimus & infirmus, Horatium nostrum te cupio adducere: Veniet igitur ab ista parasitica mensa ad hanc regiam, & nōs in epistolis scribendis adiuvabit.* Sed planius Flaccus ipse lib. i. Sat. vi.

*Quem rodunt omnes libertino patre natum:
Nunc quia Mæcenas tibi sum convictor, at olim
Quod mihi pareret Legio Romana Tribuno.*

CAPUT

CAPVT VII.

*Dextra rapax. Omne sacrum. Lares familiares.
ijdem Dij Patrj, Penates, Penetrales ac Præsti-
tes dicti. Augustinum en permixtum Laribus.
Increpare lyra. Vetus lectio asserta. Pontifex
veneficij. Alia quædam.*

LIBRO III. Oda III. Iunonē Romanis placatam, atq. cadere in concilio Deorum verba faciētem inducit, videlicet, paratam se omnium præteritarum offensionum atque iniuriarum in perpetuum porro obliuisci: nec obstare, quò minus in ordinem ac cœtum Divorum Romulus referatur, & Romanus Pop. quàm latissimè imperij sui fines ac pomœria extendant, hac lege tamen, vt à Troianæ urbis instauratione abstineant manum, neque per insolentiam rebus secundis feroces, ac præposterè pij rediviva Pergama dē integro excitare conentur; frustra; etenim se suasque spes corrupturos. proinde consultius fore, ut Ilium, & *campos ubi Troia fuit*, pro derelicto habeant in posterum, ferro, non auro, vitam cum hostibus cerneutes; multoque maiorem in contemptu, quàm studio pecuniæ confidentiam habentes; invicto aduersus diuitias animo, cui hoc elogium ibidem ab Horatiana Iunone tribuitur:

Aurum irreperitum, & sic melius situm,

*Cum terracolas, spernere fortior,
Quam cogere humanos in usus
Omne sacrum rapiente dextra.*

Dextra, inquit, non Laua manu, quæ Furtifica est, teste Plauto & Catullo. quum *Dextra* cōtrā, harpacem notet, & quæ nō dissimulanter, nec furim (Lauernæ ut solent) sed verò lucē clara, militarem in morem, hoc est iure belli per vim & propalam rapere audeat; etiam signata & sacra, eaquæ, quæ natura ipsa mortalium oculis invisa opertaq; esse voluit, sicuti & *Aurum* istud, ita probè sub terra in latebris situm, quod præ cæteris meritissimo hercule sacrum esse debebat, si quid tamen in rerum natura sacrum aut nefandum barbarorum auaritiæ esset. Quò etiam referendum Satyricū illud:

— *Et tamquam parcere sacris*

Cogeris. Item: — nescius vi

Compositis, metuensq; velut contingere sacrum.

Sed planius etiam C. Peto, quem Germanico navigāte exclamasse refert Seneca: — *aliena quid aquora remis, Et sacras violamus aquas, diuinæq; quietas Turbamus sedes?* Oda 4. *Qui perfidus se credidit hostibus.* Pœnos perfidiæ infimulat Regulus. Merito. quorum sublesta fides frequenti experimento Romanis cognita occasionem ex re nato prouerbio dedit; *Fides Pœnica.*

Oda

Oda XXII. *Calosupinas sisuleris manus*

Nascente Luna, rustica Phidile,

Sithure placaris, & horna

Frugè Lares, auidâq; porca:

Nec pestilentem sentiet Africam

Fecunda vitis, nec sicerilem seges

Rubiginem, aut dulces alumni

Pomifero graue tempus anno.

Quod exemplum longius productum nobis, et vel hinc cuius liqueat tãquam de plano, quoniam sacrificiorum genere propitiari soliti Lares Familiares, quæ potissima vota concipi, quæque bona à medio xumis Dīs illis peti antiquitus usitatum. quorum munus fuisse videtur, bonam mentē cultoribus suis largiri; & uniuersa, quæ in familia erant sarta tecta, atq. incolumia præstare; nec domesticæ modò, verum etiam agrariæ rei curam gerere. cuiusmodi sunt illa solennibus verbis apud Catonem concepta; *Viduitatem, vastitudinemque calamitates, intemperiasq; morbos denique visos, in visosq; prohibere, defendere, auerruncare, & cætera* de genere horum apud eundem Censoriū lectu oppidò dignissima. quò etiam pertinebit Tibullianum illud libri I.

Vos quoque felicitis quondam, nunc pauperis agri.

Custodes, fertis munera vestra Lares.

Tunc vitula innumeros lustrabas casa inuēcosi

Nunc

Nunc agna exigua est hostia parua soli.

*Agna cadet vobis, quam circum rustica pubes
Clamet; Iô messes, & bona vina date.*

Et sub eiusdem libri finem, sermone de ligneo, & paupere Lare iniecto:

Hic placatus erat, seu quis libaverat uvam,

Seu dederat sancta spica ferta coma.

Item quæ deinceps sequuntur usque ad Pentametrum illud:

Hostiaq; è plena mystica porcus bara. &c.

Quæ suilli generis immolatio, cum Horatiano sacrificio germanitus consentit, nec hîc modò, verum etiam in Sermonibus postea, ubi legitur:

Immolet aquis

Hic porcum Laribus. &c.

Meminit & Plautus Rudente,

*Atq; adornare, ut rem divinam faciam, cum
intrò advenero,*

*Laribus familiaribus, cum auxerunt nostram
familiam:*

Sunt domi agni, & porci sacres.

Vnde erroris manifesti convincere est Lambinum ad Aululariam Plautinam, pro comperto affirmantem, nefas fuisse Laribus quicquam animatum immolari. Iam verò thuris, farris, molæ falsæ in focum impositione, primorum fructuum libamentis, coronarum impensa totam hanc Odam effer-

Iam

ram vides, cui succinit Iuvenalis & ipse Satyricus
his versibus:

O parui, nostriq; Lares, quos t hure minuto,

Aut farre, & tenui soleo exornare corona.

Sed clarius Plautus ex persona ipsius Laris Pro-
logi ornato inducti:

Huic filia una est: ea mihi quotidie

Aut t hure, aut vino, aut aliqui semper supplicat.

Et eadem Fabula:

Nunctusculum remi, & has coronas florens,

Ea imponentur in focum nostro Lari.

Denique Trinummo:

Larem coronam nostrum decorari volo.

Vxor venerare, ut nobis hac habitatio

Bona, fausta, felix, fortunataq; eveniat. &c.

Vide & Catonem De re rustica cap. 143. ita præci-
pientem: Villica focum purum, circumuersum quo-
tidie, priusquam cubitum eat, habeat. Kalendis, Idi-
bus, Nonis, festus dies cum erit, coronam in focū in-
dat: perq; eos dies Lari familiari pro copia supplicet.
De libatione autem in mensa secunda domesticis
Laribus fieri consueta, ac vino pateris defuso, pla-
nius etiā libr. 4. Oda 5. Augusto Cæsari inscripta,
cui inter cetera præconia hanc etiam divinitatis o-
pinionem tribuit Poëta:

Te mensis adhibet Deum.

Te multa prece, te prosequitur mero

Defuso

*Defuso pateris, & Laribus tuum
Miscet numen, uti Gracia Castoris
Et magni memor Hercules.*

Cuius sententiæ interpretatio, mirum, nã à Dione petenda, curiosè observante in multa copia honorum Augusti, etiam hoc decretum, ut per Genium eius vulgo iuraretur, & in conviviis omnibus libaretur pro capite & salute Principis. Eosdem quoq. pro Penatibus, hoc est, pro penetralibus, vel potius penuariis Dijs habitos, notius, quàm ut nostra demonstratione indigeat, & docuit iam antea abunde Lambinus in Commentariis Horatianis, Epistola ad Mæcenatē VII. Illud verò haud perinde tritum, auri præsertim vernaculæ, Lares istos domesticos alio nomine *Deos Patrios* indigitatos antiquitus, hoc est, non patriæ, urbisque custodes, verum generis ac familiæ præfides, Præstitè (que & quorum per manus à patribus religionem traditam succidaneo iure accepimus. Virgilius: *Dij Patrij servate domum, servate nepotem.* pro quo Tibullus diceret: *Sed Patrij servate Lares.* Neque ita tamen expressè semper, testimonio sunt illa, de Maronianis (ut videtur) nameris adumbrata: *Dij Patrij purgamus agros purgamus agrestes. Vos mala de nostris pellite limitibus.* &c. *Odus naxosus* nominant Græci, Odam porro novissimam ita orditur Horatius:

Phœbus

*Phœbus volentem prælia me loqui,
Victas & urbes, increpuit lyra.*

Rectè, neque enim ijs auscultandum censeo, qui post *increpuit*, notam distinctionis conlocant: intelligentes Poëtam non quidem lyrae pulsæ sono increpitum, sed prælia & captas urbes, hoc est, res gestas lyrico carmine describere conantem, obiurgatum ac castigatum à Phœbo. eo minus, quò genus loquendi istud alijs etiam Poëtis impensius video placuisse: ut vel Ouidio extremo Fastorum: *Annuat Alcides, increpuitq; lyra*: Et passim alibi compluries. Epodon Oda 12. Impudens & flagitiosa illa, quippe in re voluptatum iustissimi languoris exprobratio, ex persona vetulae præter speciem, ætatèmq; virosæ; hoc est, cum cano eugio (uti apud Laberium est) puellitatis, aduersus Poëtam & re & nomine Flaccum concepta:

Inachiam ter nocte potes; mihi semper ad unum

Mollis opus. Hoc est, ad unam telam detexendam modò, primumq; in perficæ Veneris stadio curriculum decurrendum, elumbis, enervis, expeculatus, & quasi solum in aqua; non quidem Inachiae tuæ, cui ter nocte una in Cloacinæ sacro operari, Feriasque Sementinas rite peragere consuevisti: verum miserae mihi, in qua scalpèda primo statim pedatu, & quidem in ipsis carceribus, tãquam cantherius in porta, fastidiosè ad languo-

rem

rem datus concidere, ac detumescere videris, auriculis demissis, — *ut iniqua sortis asellus,*

Cum grauius dorso subijt onus.

Eadem argutia in Milésiaco illo Martialis Epigrammate compareret, huic prorsus gemino:

Vna nocte quater possum: sed quattuor annis

Si possim, peream, te Thelesina semel:

significantis una nocte quater posse officiosum se esse alteri alicui, quæ quidē Inachiæ huic Horatianæ sit similis, nempè puellæ & amari dignæ: sed Thelesinæ, vetulæ ac deformi, ne semel quidem annis totidem.

Oda 16. *Eamus omnis execrata civitas.*

Rectè oppidò, & poëticè, quomodo idem etiam locutus suprâ:

Non semel dicemus, Iô triumphæ,

Ciuitas omnis, dabimûsq. Diuis

Thura benignis.

Quò magis miror curiosam eorū hominum infelicitatē, qui in scirpo nodum quærentes, Omnes hunc in locum obducere nobis, merisque ac puris Iambis pro recto pravum talum inculcare veriti non sunt. Habes ibidem:

Non huc Sidonij torserunt cornua nauta.

Ad quam classem etiam pertinent Leptitani oppidiconditores, de quibus ita Sallustius noster: *Lepti oppidum ab Sidoniis conditum est, quos accipimus*

pimus profugos ob discordias civiles navibus in eos locos venisse. Oda ultima:

Et Esquilini Pontifex venefici:

pro arbitro positum accipio, eoque, qui quasi Pontificatum sine suffragio Populi gerens, ius ipse sumit sibi de divinis humanisque rebus, beneficiis certe statuendi. Atque hinc Plautini illius convicii interpretamentum videor extricare posse, quod ex persona periuri Lenonis habes in Rudentes; *Lubet iurare. tūc meo Pontifex periurio es?*

CAPVT IIX.

Horatius aliquam multis locis explicatus, partim illustratus aut correctus. Nares horum hominū. Ab auaritia laborat. Suave locus voci resonat conclusus. Male vivere. Præbere ligna. Honestæ fascibus. Lecto & Scripto, frequentatiua non esse.

Vt publicis olim Lustris etiam nomina victimarum ducentium prospera legi Romæ religionis antiquitus erat, itidem & mihi hoc Caput à bonis nominibus decretum est auspicari. Dicam de Fausta Fausti Sullæ filia; & confidentia est, me felicioris euentu, à coa, & virosa illa discessurum, quam Villium adulterum, cuius ita Sat. 2. lib. 1. meminit Horatius noster:

Villius in Fausta Sullæ gener, hoc miser uno

Nomine deceptus, &c. Nomine scilicet Fau-

D

stæ, quam

30 IANI DOVSÆ IN Q. HORAT.

Ræ, quam faustam sibi eventuram hariolabatur, prosperi nominis omine blanditus sibi, credulitate amantibus non insolita. Id quod à nemine etiamnum animadversum demiror, dum pars ad gloriosam Villio Sullanæ adfinitatis cōiunctionem, alij ad nobilitatem matronæ, præter stolati pudoris dignitatem moechissantis, blandimentum istud Sullani nominis referendum autumant. Habes ibidem:

———— leporem venator ut alta

In nive sectatur, positum sic tangere nolit:

Cântat, & apponit: Meus est amor huic similis, qui

Transvolat in medio posita, & fugientia captat.

Inter tot dissentientes, vel pugnantes potius sollicitissimorum Interpretum sententias, nullam equidem impenitus probo, quàm quæ ab sagacissimo harum rerum investigatore Turnebo profecta: n. didémque in Adversaria relata lib. xi. cap. xxiii. legitur huiusmodi:

Amator (inquit) cantat, ut venator sectetur in nive lubenter leporem, sic appositum in ferculo nolit tãgere: & mox addit (hoc enim est, Apponit) suum amorem esse similem. &c. *Sectetur* autem, non *Sectatur*, legendum; quod & veteribus credimus libris & Grammaticorum rationi ita flagitanti assentimur: Atque hoc est quod in te simili cantat nobis unicus ille lepôrum magis, quàm leporum *sectator*

ſectator Ovidius:

Venator ſequitur fugientia, capta relinquit.

Semper & inventis ulteriora petit.

More enim fieri, & quotidiano uſu euenire videmus, vt venatoribus aſſiduis leporinæ faſtidium, frequenti eius obſonij eſu, oboriatur: ridiculam etiam num hodie gloriolam quandam ex malacia illa Diania aucupantibus, atque eo nomine triūphantribus potiſſimum, quod ita in venandi ſtudio dediti ſint toti, ut oculos ſpectaculo potius, quàm ventrem obſonio paſcere malint: dum leporem per altas nives, ſalebras, ſcruposq; , & aſperrima quæq. fugientem, canesq; inſeſtos tortuoſiſſimis vorſuris eluctantem atq. eludentem, veſtigijs perſequi, & indefeſſis curriculis fatigare, atque ad languorem dare ſine intervallo aut tædio ullo capiuntur: ad quem percoctum, probè, atque ultro ſibi in menſa & lancibus adpoſitum peræquè nauſcent, ac faſtidiāt, quàm ſi pica in cavea mortua (ut apud Martialem eſt) in cibum ſibi exhibita foret. Ita enim *poſitum*, interpretari malo, quàm in latibulo, aut cubili ſuo deliteſcentem. Sed neque ſatis facit nobis docti cuiuſdam viri opinio, qui verba Horatij non ad amatorem, ſed venatorē referenda exiſtimat: ut ordo & ſententia hæc ſit: Venator cantat. j. buccinæ cantu ſignum facit ad leporis inſeſtationem, quem deinde captum adponit ſibi,

fruiturq. iucundè ac lubenter: neq. hercule mirū,
quippe ex venatura, milvinam stomacho suo con-
ciente, optimum condimentum, famiem dico, &
quidem recentem ac indelibatam, domum secum
adportans. Vt ut est ab Lambini interpretatione
potius, quàm à capto, madidoq; in mensam appo-
sito lepore manū lectori abstinedam censuerim.
Satyra III. *minus aptus acutis*

Naribus horum hominum. hoc est, homi-
num huius seculi, tam nasuti, ac omnia subfannā-
tis; explicatione petita ab Hendecasyllabo illo
Catulliano:

*O qui flosculus es Inventiorum
Non horum modò, sed quot aut fuerunt. &c.
Satyra 4. At tu conclusas hircinis foliis auras
Vsq. laborantes, dum ferrum molliat ignis,
Vt mavis imitare. beatus Fannius, ultrò
Delatis capsis & imagine. &c.*

Liceat nobis etiā hoc loco liberā à metu senten-
tiā dicere, atq. à reliquis Interpretibus in reveri-
simili sine fraude nostra dissentire: quibus uno
animo pergentibus pro certo persuasum videtur,
post rō *Imitare*, nihil quicquā ad superiora Poëtæ
verba desiderari; ideoq; à sequentibus (quæ iidem
illi sic quasi per exclamationem dicta accipiunt)
plena interpunctionis nota disternenda. perpe-
ram, meo quidem animo; qui, *beatus Fannius*, cū
ijs quæ

ijs quæ antecessere, construiconiungiq. porro o-
 portare hariolor; idq; per appositionem, puncto,
 quod medium est, expuncto. ut Satyrica conces-
 sione per Apostrophen dicat Poëta: Tu verò ô
 Crispine, ventum follibus conclusum, quantum
 & quâdiu voles, imitare, beatus Fannius, hoc est,
 proinde vt alter Fannius, seu potius Fannij exem-
 plo, quem per deridiculū *beatum* prædicat, ob im-
 pudētissimam immeritissimę glorię ambitionem,
 ac præposteram fiduciam sui, quam tantam in in-
 eptissimo Suffeno illo extitisse: videri cupit Ho-
 ratiū, vt ipse vltro, nec rogatus ab Aedituis, &
 imaginē & Poëmata sua in Camœnarum, vel po-
 tius Apollinis ædem Palatini (quam, Antonio &
 Cleopatra devictis, in Palatio magnificentissimā
 Præfidi illi Camœnarum Augustum excitasse, ac
 consecrassē tradit Suetonius, adiecta in super por-
 ricu cum bibliotheca, Græcis Latinisque libris
 instructissima) obtulerit dedicanda: unā cum in-
 felicibus capsis, siue armarijs, in quibus ad usus
 diuturnitatem (ne videlicet pulvere aut situ cor-
 rumperentur) egregia tot ingeniorum facinora,
 hoc est, scripta immortalitate dignissima, suo quę-
 que loco commodē ac ordinatim disponi, probēq;
 asservari mos erat. quod tamen non nisi publicis
 Senatus Populiq; suffragiis, de Quinque-vira-
 tus, hoc est, Criticorum (quibus ea provincia mā-

data, ut Poëtis recitatoribus vacuas aures præberent) quasi Prærogativa sententiæ; aut etiam Principis auctoritate fieri consueverat: & quidem post obitum maximè, invidia iam omni, quæ vivos potissimum, quasi umbra persequi solet, dilapsa atque extincta. Vnde nō immeritò gloriatur Martialis, honorem hunc mortuis tantum deferri solitum, vivo ac videnti sibi à laudatissimo viro Stertinio obvenisse. Sequitur modico intervallo:

— *quemvis media erue turba:*

Aut ob avaritiã, aut misera ambitione laborat.

quo loco rescribi malim: *Aut ab avaritia, aut Sc.* Idq; mihi haud paulò concinnius, elegantiusque videtur, eò magis, quòd casus mutatio non necessaria subsequatur, à verbo *laborat* utrobiq. pendens. Habes eadem Satyra: — *in medio qui*

Scripta foro recitent, sunt multi, quiq; lavantes:

Suave locus voci resonat conclusus. inanes.

Hoc iuvat. *Resonat.* i. contra assonat repercussione iucunda imaginis iocosæ. Quod genus recitatorum obiter noratum etiam Senecæ, ita lib. 7. epistola 17. scribenti: *Adjecenunc furem deprehensum; & illum, cui vox sua in balneo placet.*

Legimus porro ibidem: *Nōne vides, Albi ut malè vivat filius? Malè,* id est miserè, ac vix vitam colat; quippe re universa per libidinem, & luxum, pessimos catillones, unà pariter, cum fide absumpta.

ad

ad egestatis terminos redactus scilicet, nihilq. præter miserrimam, hoc est, nudam animam reliquæ habens. Potestque hoc ipsum in Albium Tibulum Poëtam æqualem suum ab Satyrico satis malignè detortum videri; non quidem ad mendicitatem istam, sed tamen ad paupertatem tali ingenio indignam, ex magnis & avitis opibus immeritisimò detrusum. Vtitur eadem phrasi Ovidius: *Si genus est mortis, malè viuere*. i. agrè ac difficulter vitam sustentare, ne quis pro, *improbè aut nefariè viuere*, dictū accipiat. Scribit porro Horatius: *Nabis sine cortice*. j. subere. Plautus *ratem scirpeæ* vccat. Pergamus ad Satyram v.

Proxima Campano ponti qua villula tectum

Præbuit, & parochi qua debent ligna, salemq.

Huc facit locus Tullianus, de sua ipsius cōtinētia, in Provinciā cū potestate publica missi, ad Atticū lib. v. *Scito non modò nos fœnum, aut quod lege Iulia dari solet, nō accipere; sed ne ligna quidē: neq. præter quatuor lectos & tectū accipere quicquā.* Et mirū, nī eodē à Comico nostro allusum in Aulularia: *Neque ligna ego usquā gentiū præberi vidi pulerius:* ex persona Coci, fustibus ab Euclione mulcati, ac contusi probè. Scribitur porro Satyra vi:

Optaret sibi quisque; meis (scilicet parentibus)
contentus, honestos

Fascibus & sellis nolim mihi sumere.

Sic enim malo cum veteri Commētatore, quā cum Lambino & alijs, *omnes* legere. phrasi honestissima, & qua Plautus identidem utitur, ut Caprius: *Honestiorem honore me fecit & facit*. Item Sallustius noster hoc Plautinum, ut videtur, exemplum in Catilina amulatus: *Sed quod non dignos homines honore honestos videbā*. Vnde liquido parerēt, quāto de Sallustiana lectione honestius cōsuli potuerit Glareanus, si *honestitas* suū pro *honestos*, in eum locū nobis obtrudere atq. ingerere abstinuisset. Habeseadem Satyra sub finem: *Ad quartam iaceo; post hāc vagor, aut ego lecto, Aut scripto, quod me tacitum iuvet. ungō olivo, Non quo frandatis*, &c. Septuossus sanē locus, & in quo declarādo, lolio vicitasse mihi videntur Interpretes, tam veteres quā iuniores, quantum Poētā huic nostro usque adhuc manum hospitalem admonuit. Frustrationis causa inter punctio nō suo, sed alieno loco inculcata: deinde duorum Participiorum parum explorata veritas; *Lecto*, & *Scripto* dico; quā Scholiastæ nostri de Pseudoporphyrionis sententia pro *Lectito*, & *Scriptito*, hoc est, pro Frequentatiuis accepisse videntur; supinē satis, atque incogitanter. Cui enim *Lectare* (quæso) aut *Scriptare*, vel fando auditum est unquam? Quæ vocabulorum insolentia satis esse poterat ad eosdem illos commouendos. *Lecto* & *Scripto*, nō indicatiui modi,

modi, & præsentis temporis verba, sed verò Participia auferendi casu posita videri, ut sit sensus: Postquam aut legi aut scripsi quidpiam, quod me suauiter afficiat recreetque. Vel, post lectionem, aut scriptionem rei, seu materiæ alicuius, quæ & levamēto & voluprati sit mihi: deinde porrò oleo, & quidem melioris notæ perungor solens. Punctum itaq. post τὸ Iuvet inducendū. Eodem modo locutus & Satyra 1.

Et finire laborem

Incipias, parto, quod auebas. id est, postquam peperisti, seu adeptus & consecutus es, quod petebas; & cuius tantopere semper quidem usque adhuc cupiens atq. avidus fuisti. Nec Horatius modò, verum etiam maior & melior illo antiquarius Crispus noster, in Fragmētis à Prisciano productis huiusmodi, ex eiusdē Historiarū lib. v. *At Lucullus auditò* (id est postquā audisset) *Q. Martiū Regem pro Consule per Lycaoniā cū tribus legionibus in Ciliciam tendere.* Item altero: *Legiones Valerianæ comperto* (id est postquā cōpererē) *Lege Gabinia Bithyniam & Pontum consuli datam, sese* (sic enim ibi legēdum in Notis nostris Sallustianis docuimus) *missos esse.* Vide Grāmaticum, quē dixi, de hoc loquendi genere fusius ac curiosius differentem.

Horatius duobus locis correctus, uno Persius. Martialis ex Horatio declaratus. Antiqua scriptura defensa in Lapidibus Varios. Res praeclara. Aurem substringe loquaci. Pater domus. Ficta rerum. Properare & Cessare loco. Senium Camœna. Alia quaedam de nota interiore.

SATYRA IX. libri Sermonum primi, Horatius garrulo moroq; illi, & molesto interpellatori suo ita respondens inducitur à seipso: estq; sermo de gratia Mæcenatis captanda:

q u a t u a v i r t u s,

Expugnabis; & est, qui vinci possit: coq;

Difficiles aditus primos habet. Apage possit. istud. Neq. enim satis insequenti clausulæ subleu-
vît. Nâ quis obsecro, cui pectus sapiat, dicat, amicitiam alicuius eò facilius expugnabilem, atq. impetrabiliorē videri, quòd is qui captatur, asper atq. exoratu difficilis sit in principio? mihi certè omnia rectius constatura, multoque sequentibus aptius cohæsurā sententia videtur, si pro *possit*, *poscit* emēdemus, hoc est, postulat se ab ambitiosis captatoribus paulatim labefactari, animumq; suū pertinaci ac indefessa sollicitatione postremò tamē superari. atq. hinc est, quod prima ferè coitio multò acerrima esse consuevit Mæcenatem prensantibus.

tibus. Miror hoc nemini usque adhuc Commentatorum in mentem venisse. Satyra x.

Hoc erat, experto frustra Varrone Atacino,

Atq. quibusdā aliis melius quod scribere possem;

Inventore minor.

Ita enim distinguo: ut sit ordo & sensus, iam inde à superioribus, quasi à catena, dependens. Dij dona sua variè mortalibus dispartiti: sed alia aliis. & verum profectò, quod Virgilij fatur dictio: *Non omnia possumus omnes.* Sic Fundanium humili & comico, Pollionē contrā sublimi & cothurnato scribendi genere cæteris antistare videmus. Sic & Epici carminis Vario, Virgilio Bucolici principatum meritò hercule ac lubenter deferimus: sine invidia cuique, quod suū est, tribuentes. Mihi verò nihil quidem istorum omnium, cæterum Satyrico esse à Genio & Musis largitum. Quid enim agam potius? *Natura sequitur semina quisque sua.* Atq. hoc ipsum erat, quod me hercule tum Varrone Atacino, tum aliis quibusdam, nequicquam idem conatis, operamque abutis suam, melius ac feliciore successu tractare ac exsequi possem ipse. Itaque ablativi illi; *Varrone Atacino frustra experto*, pariter porrò à *melius* commodissimè regentur. Neque enim commenta illorum probare possum, quibus ad proximū versus initium, nempe ad, *Inventore minor*, gradum istum comparandi referri placuit, proinde ac si Horatius.

suarum

suarum ipsius laudum buccinator, & quasi præfica, Lucilianam Satyram præ suis Sermonibus contemnens, improbè ac falsò gloriaretur, hoc scripti genus multo à se laudabilius, quàm à principe illo Satyræ exornatore tractatum. quod contrà est. Neque enim Lucilio (quo se haud paulò inferiorem non hîc modò, verùm etiam principio libri sequentis palam ac ingenuè agnoscit.) semet anteferre voluisse cēsendus Venusinus, *παιδὸν γὰρ δῖν*: sed potius Varrone Atacino, reliquisq; eiusdem notæ, simiis verius, quàm æmulis Satyræ Lucilianæ, infelicissimè eā provinciam aggressis. ut quidē videri cupit Satyricus noster. Vnde illorum etiam error detegitur, qui verba illa, *inuentore minor*; ironicòs intelligenda fidem nobis facere conati. Habes porrò eadem Satyra,

— fuerit Lucilius, inquam,

*Comis & urbanus: fuerit limatior idem,
Quàm rudis, & Græcis intacti carminis auctor,
Quamq; Poëtarum seniorum turba. &c.*

Quem locum difficilem & impeditum sic expedit, atq. explicat Lābinus: Demus (inquit Horatius) Lucilium limatiorem fuisse, quàm auctore Satyræ Græcis intactæ esse oporteat: quod idem ferè valet, ac si dicat: Demus Lucilium fuisse limatiorem, quàm esse debuerit, atq. quàm alij faciūt. *Rudis* in patrio casu accipio, & cum voce *Carminis* coniungo.

coniungo. Nam quod alij positivum pro comparativo positum interpretantur, hoc modo;

fuerit limatior idem,

Quàm rudis, id est, fuerit limatus potius, quàm rudis, & impolitus; hoc illi non rectè. Sic enim locutus esset Horatius: *Fuerit limatior*, quàm rudior, ut docent exempla. Haftenus Lambinus, nec in casu *rũ rudis*, verùm in auctore carminis Græcis intacti eruendo deceptus; quo quidem ego nõ Lucilium, sed Ennium denotari autumo: Ennium inquam, principem illum Satyræ repertorem; & qui ante Lucilium id genus poëmatis Romanis Musis gratificari fuerat aggressus: libris aliquot eo titulo & argumento inscriptis. in quibus Apologos etiam ac Fabellas (ut Agellianam illam de Cassita) inseruerat festivissimas; prorsus Lucilianum in morem, item Horatij nostri; *Mutatis tantum pedibus, numerisque, facetus*. quorum pars Senarij, alij Quadrati, partim etiã Hexametri fuisse videntur. id quod planius porrò in Fragmentis nostris Ennianis nos in tempore demonstrassere est confidentia. e quibus illud quoq. ab Agellio inter cætera laudatum,

Meum non est, at si me canis memorderit; Horatius noster imitatus in usum suum convertisse videri potest; ita de se ipse prædicans Satyra 1. libri sequentis:

Næ

*Nec quisquam noceat cupido mihi pacis, at ille,
Qui me commoritur, (melius non tangere clamo).*

Flebit &c. Sensus itaque erit: Esto, fuerit inquam Lucilius urbanus & comis: demus etiam limatiorem, id est tersiorem ac emendatiorē fuisse, quā Ennium nostrum; primum illum rudis Satyræ inventorem, aut etiam sequutam seniorum, hoc est, antiquiorum Lucilio Poëtarum turbam: nihil tamen ad munditiem, cultum, aut polituram seculi nostri. Posset & Nævius intelligi, ex cuius Satyra unum exemplum modò à Festo productū habemus huiusmodi; *Quianam Saturnium populū pepulisti?* Sed verisimile est Poëma Nævianum istud non Satyrā, sed Saturnum potius inscriptum fuisse. tamen si in re adeò incerta ac septuosa, meum non est, eiusmodi temere quidpiam quasi pro comperto asseverare.

Sed quoniā Lucilij festina nata est mētio, quid vetat duos porrò de una fidelia parietes dealbare, & quod huc (ad Lucilium dico) non leviter facit, Persiani exempli emendationem Horatio condonare? Scribit igitur ille Satyra I.

sequit Lucilius urbem,

Te Lape, te Muri, & genuinum fregit in illis.

In quo equidem demiror, neminem etiamdum, quod offenderet, offendisse. Mihi certè de menda haud levis suspicio iniecta; eò gravior, quò Apostrophe

strophe illa, *Te Lupe, te Muti*, &c. minus clausulæ insequenti respondet. quam propter subitam personarum mutationem, haud sanè video, quoniam gentium debeat referri; aut quinam homines isti sint, in quibus Lucilium genuinum fregisse videri cupit Satyricus; Lupusne, & Mutius, an potius Urbs ipsa, quæ præcesserat? Gerræ germanæ, atq. ædepol lyrae lyrae. Nam quis obsecro sanæ mentis hūc in morem loquutus unquam? Itaq. corrigatur me coniectore quàm primum: & rectè fortasse, si ad hoc porro exemplum rescribamus: *Te Lupe, te Muti, & genuinū fregit Iulis*. ut per Iulos, Iuli sive Ascanij progeniem (quos Troiades. idem dixerat antea, Aeneadas & Troiugenas alijs ab eadē causa indigitatos) hoc est, Optimates, ac procures Reip. Ro. intelligantur. quos non minus, quàm Urbem, id est universam Plebem urbanam. in xxxv. Tribus iam inde ab antiquo dispartitam, Satyrico sale à Lucilio defricatos significat Persius, illud ciedo Venusini nostri exprimere. gestiens, de eodem Auruncano: — atqui

Primores populi arripuit, populumq; tributum.
Id est, ordine per singulas tribus. Satyrico dente grassatus. Huc accedit, quòd si volgatam scripturam retinere ac defendere velimus, necessario consequens erit interpretari, Lucilium genuinum suū in Lupo & Mutio fregisse, hoc est, (uti Horatius inquit)

inquit) solido offendisse, dum fragili dentem illidere sperat sese. Atqui longè aliud volt Aulus noster. Quidnam igitur? Genuinum non Lucilio fractum, sed illis potius, in quos ipse cruentos ac volnificos dentes suos, hoc est, dentatæ chartæ, ac Satyrici styli aciem nominatim incessens quemque, nec dignitati cuiusquam, aut populari gratiæ parcens, magna animi securitate distrinxerat.

Illam porro phrasim silentio transire quî possum, ex Satyra 1. libri posterioris?

*Quin ubi se à vulgo, & Scena in secreta remorât
Virtus Scipiada, & mitis sapientia Læli, &c.*

germanitûs consentientem cum huiusdem libri altera istac: Ergo ubi me in montes & in arcem ex urbe remoui. Virtus Scipiada, autē; hoc est, virtute ac fortitudine præstans Scipio: quemadmodum, Mitis sapientia Læli, mitem ac sapiētem Lælium nobis repræsentat, poëticè oppido ac περὶ φεσινός. Sequitur deinceps Satyra 2.

vides, ut pallidus omnis

Cœna desurgat dubia? Atque hinc liquidò est intelligere, cur Pallida epithetū Romę potissimum, hoc est, Senatui ac Quirilibus, aprugnâ cœna à Gallico exhibitore acceptis assignaverit Marialis: cuius verba adscribam eidem Gallico inscripta:

At tu continuo Populymq; Patrésq. vocasti.

Rusticus

Ructat adhuc aprum pallida Roma meum.

Quamvis sibi editiones eo loco non satis constât,
& in nonnullis exemplaribus legitur, *Callida Ro-*
ma. Quod si cui potius arridebit, poterit ad aprug-
num callum, quem Romani illi convivæ Gallici,
Poëta datore præterito, unâ pariter cum hæredi-
peta apro totum absumpserant, nimisq. avidè in
ventrem abstulerant, non incallidè aptari. In quo
Comicus etiâ noster nimis festiuè ludos suo more
solens fecisse videtur: exempli gratia: *Callum a-*
prugnum aquè callere non sinam. & alibi passim nō
semel. Satyra porrò tertia ex persona Damasippi,
qui fide cōsumpta, rebusque omnibus desperatis,
in Tiberim se pessum ac præcipitem dare destina-
uerat, narrationem persequitur Flaccus his verbis:

Nam malè re gesta, quum vellem mittere operto
Me capite in flumen. &c. *Operto.* id est, velato
& obnupto capite dicit, ex eorum hominum mo-
re, qui spe longioris vitæ in posterum eiurata, ac
deliberata morte feroces facti, à luce semet abiu-
dicare obstinatis animis consueverant. Cui expe-
ditæ interpretationi non parum lucis conferre vi-
detur exemplum Suetonij, idem de Nerone Cæ-
sare, salutis suæ diffiso, ac iam iam perituro in vitæ
eius exordio narrantis:

Ut erat nudo pede atq. tunicatus, panulam obso-
leti coloris superinduit: ad opertoq. capite, & ante fa-
ciem

ciem obtento sudario, equum inscendit. &c. aliaque eiusmodi plura ab Historicis passim suis locis conquirenda. Satyra verò eadem ubi legitur, in modum dialogismi:

Men' vivo? ut vivas igitur, vigila. &c. Nūquid sententia apertior, longeq. concinnior futura videtur, si rescribatur? *ut vivas agitur.* hoc est: In eo sumus toti, atq. in hac cogitatione cura omnis consumitur nobis, quò videlicet vitam tibi prorogemus porro medicina & curationibus nostris. Inducitur ibidem polluctè prodigus adolescens, ne dicam; pecuniæ suæ iratus; eamq; propterea quantum potest egurgitare festinans; piscatoribus, pomariis, aucupibus, unguentarijs, cocis, cupediarijs, fartoribus, danistis, scurris, lenonibus, scortis denique, atq. eiusmodi nugis hominum profusissimè dilargiendam. quos in unum coactos singillatim compellans, ac *δειπνῶς* designans hoc pretio à se muneratos dimittit:

Sume tibi decies; tibi tantundem; tibi triplex;

Vnde uxor media currat de nocte vocata.

Quem postremum versum ita capior interpretari: Sume triplam mercedem tibi, ob gratiam mihi, de communi uxore factam, ita prompta ac facili, ut quamvis subito libello Vitelliano, hoc est, Veneris vadimonijs citata vel media de nocte vadanti se sistat, ut priusquam medius dirumpar miser, tento

mihî

mihi ac sufflato sit præsto; omnibus modis, locoque, ac tempore morigeram atque obsequentem voluntati meæ se præbens. id quod omne tuæ comitati in primis acceptū meritò referre possum, cuius permissu hoc facit. Enarratione quæ sita ab altero Satyrici loco, eiusdem propè cum hoc argumenti: ubi ex obliquo & quasi aliud agens, pravam, hoc est, turpilucricupidam in testamentis locupletiorum captandis consuetudinem perstringit: dum sub Tiresiæ vatis persona, inter cætera huius aucupij præcepta Vlyssi consulenti suadet Poëta urbanissimus, ut si catulientē eiusmodi senē, quē capret, nactus fuerit, qui alienas etiā uxores consecetur, & adulterandis matronis præter ætatem ac dignitatem suam studiosus videatur; ne exspectet, dum à vetulo vervece illo sollicitetur; sed verò, hæreditatis assequendæ, petitionem eius præveniens, ultrò Penelopen suam, uti potiori, conciliet; eamque ipse ad domum cuculi, hoc est, commariti sui adducat non rogatus. Exemplum sic habet:

Scortator erit, caue te roget; ultrò

Penelopen facilis potiori trade. Non enim Commentatoribus subscribo, *Triplam mercedem istam*, ad unum modò lenonem falsò pertinere persuasis: Lenonem dico, qui meretriculæ alicuius ancillantæ sibi (quam invidiæ nominis molliendæ

uxorem suam indigiter adolescens) scortatori illi
 salaci in tempore faciat copiam vel media interdū
 de nocte, & quidem de subito accitæ, si ita tamen
 admissario superbissimè iampridem turgenti, ac
 modò non tunicas suas pertendenti usus veniat.
 Ridiculè: & certè probabilius, ut de marito quo-
 piam, curruca verius quàm virò, dictum accipia-
 mus: qui communis quæsti gratia uxorem suam
 quasi catillatum ex lubricine opulenti & prodigi
 adolescentis de nocte foras ableget, operam eius
 usurariam locans passim ac prostituens adultero:
 atq. ita de naui muliebri, ceu vectoria communi,
 victum quærens sibi. & quidem aliquāto facilius,
 quàm si, ius maritum tutans mordicus, solus ea si-
 ne æmulo noctes ac dies potiretur, non uxorijs
 modò, verum etiam suis, & (quæ ratio maxima
 est) publicis commoditatibus, malignè atq. inui-
 denter efficiens. Sed hæc & more nostro, & Hbra-
 tiano exemplo, hoc est, Decembri, ac Satyrica li-
 bertate iocati, ulterius porrò (& quonam potius
 quàm ad proximè sequentem Eclogam?) gradū
 aliquando faciamus:

Ten' lapides varios lutulenta radere palma?

Puto rectum esse; neq. Erasmmum audiendum, qui
Parios emendandum persuaserat Glareano. sed
 perperam; uti non hinc modò, verum etiam ex
 Seneca manifestò dilucet, ita scribente libr. 1.

Epistola

Epistola IIX. *Domus munimentum sit aduersus infesta corpora. Hanc utrum cesses crexerit, an varius lapis gentis aliena, nihil interest.* Denique ex isto Petronij loco:

Et dum varius lapis invenit usum,

Inferni Manes calum sperare iubentur.

Satyræ v. *Si cui praterea validus malè filius in re*

Præclara sublatuſ aletur. Id est, in re optima, luculenta, ac splendida. Sed & Cicero huius quasi rei interpres: *In alienam pecuniam plenam atq. præclaram invadere.* apud quem etiam *opima & præclara prada*, est alibi. Scribit idem Satyricus noster: *Aurem substringe loquaci.* Certum est antiqui Commentatoris potius, quam Lambini & iuniorum sententiam sequi: ut pro, *Aurem admoue*, seu *intende*; positum accipiamus ratione huiusmodi: *Substringe*, id est, surrige, sustolle, & quasi succinge aurem, non flaccidam, vel demissam, sed subnixam, suspensamq; auditione vaniloquentiæ eius quem captas: quò attentior scilicet videre, ac lubenter oppidò audientiam facere, nugas ac deliramenta garrienti. quorū tædium hercle continenter devorandum est tibi; atque ita assimulandum, quasi pro cibo habeas odiosas vaniloquidori illius affanias auscultare; si modò tutam mendacio fidem constare postules. Sequitur haud multo post:

E

;

Imper-

Importunus amat laudari, donec, Ohe iam,

Ad calum manibus sublatiis dixerit, urge: &c.

Manus in calū sublatas cum verbo urge cōstruendas opinor; ut nō ad eius qui falsō & præter modū extollitur, verū potius ad ipsius laudatoris gestū referatur: quem manibus in altum leuatis more assentatoribus antiquitus usitato, plaudētē orbo & diuiri illo Suffeno inducit Poëta. id quod clarius ex Martiali est intelligere, scribente:

Sapius assurgam recitanti carmina? tu stas,

Et pariter geminas tendis in ora manus.

Atque ad eorundem assentatiunculas etiam pertinet illud, quod sequitur de *Tumidis sermonibus*: quibus aliud nihil significari opinor, quā faustas & parasiticas illas faventium auditorum acclamationes non sine palpo ac plausu, puta *Bellè & Festiuè, Euge, & grande Sophos*: & alia talia apud eundem poëtam, tum Iuvenalem frequentia, ne dicam, omnibus paginis obuia. quade re etiam Ciceronem, qui vult, consulat. III. de Oratore. Satyra. VI. urbanum sanè illud de mure non urbano, sed muri urbano tamen & hospitium & cœnam præbente:

Cum pater ipse domus palea porrectus in horna

Esset ador, loliūmque, dapis meliora relinquens.

Pater domus est paterfamilias. Domum enim pro familia poni sollēne antiquis: & in Fastis Ouidio:

Tota

*Tota domus tres sunt, hoc est, materq; paterque,
Nataq; tres illi tota fuere domus.*

Est enim continens pro contento. Progrediamur ad locum Satyræ VII. — *amicum*

Mancipiū domino, & frugi, quod sit satis, hoc est,

Vt vitale putes. Placet Pseudoporphyrionis expositio, quæ est: Vt me velis esse vitale tibi, cui addas licet; quippe seruum continentem atque ex sententia, quemque ob utilitates, quas infinitas præbet tibi, magis ex re tua esse iudices, ut communi hac aura quamdiutissime fruatur, quam vt eundem, quasi à vitæ fructu abiudicatum, atque ad molarum coloniam nomen dare iussum, in Lucanos tuos aut Tusca ergastula, hoc est, in pisirinū, phylacam, ac lapicidinas detrusum, Cordato alicui Plautino, ob immeritam noxiam puniendum atq. excruciandu propines. proinde ut verberonibus, ulmitribis, buædis, restionibus, furciferis deniq. ac mastigijs & cætero plagigerorum hominū generi fieri consuevit. Quod si quis Turnebicæ opinioni acquiescere potius maluerit, poterit is in re porro & auctoris & suam, duorum hominum sententiæ firmandæ, hoc Petronianum Fragmentum me monstratore, si volet, accommodare:

Cibus avidū strāgulauit abstinentem frugalitas.
Vt suam ipse continentiam extollens Davus, dicat; se quidem seruum & frugi, & parcipromum esse;

esse; non tamen triparcum nimis, nec ita, ut ipse enecturus sit sese, immodica servilis Genij defraudatione, ventri suo quotidie dentibusque detinentibus quasi bellum indicens, peculijq. augendi vnciatim semper aliquid de demenso suo delibans ac comparcens miser. quippe cibi tantum ac potus sumens, quantum naturæ, perpauillo oppidò contentæ, sit satis. Satyra ultima:

——— *Vbidius dum*

*Quarit de pueris, num sit quoque fracta lagena,
Quod sibi poscenti, non dentur pocula: dumq;
Ridetur fictis rerum, Balathrone secundo. &c.
Fictis rerum, hoc est, ob res graphicè confictas atq.
adumbratas, ad verum. Tale est illud suprà, Cor-
ruptus vanis rerum, id est, inaniis & vana rerum
specie. Ut sit sensus: Dum Balathro Mimi in morè
secundas agens, & quasi mutuas cum collega suo
Vibidio operas tradēs, Natidieni porro ludificandi
gratia, proinde assimulat, ac si verè confracta esset
lagena vinaria, magno potantiū incommodo. &c.
Aliorum interpretamenta non moror. Libr. 1.
Epistola vi 1. narrat de Vulcio Mena præconiū
faciente Horatius:*

*Et properare loco, & cessare, & quarere, & uti.
Properare & cessare opposita sunt. Dicit autem
Mentiam utrumq. istud, loco, hoc est, in loco & tē-
pore facere consuevisse. Idem de duobus proxi-
mis*

mis verbis dictum velim. *Quarere* enim ad quæ-
stum & compendia, *vti* verò ad sumtus & impẽ-
sam pertinet. Atq. in utroq. Menam moderatum
ac temperantem esse videri cupit Poëta. Rectè &
ordine. Non enim (vel Plauto teste) quæstus ali-
quis subsistere potest, si eum exsuperat sumtus. id
quod in Mentula nescio quo grauiter à Catullo
exagitatum. Epistola xvi r. libri eiusdem.

Surge, & inhumana senium deponere Camœna.

Placet doctissimi Lambini commetatio, *Senium*
hoc loco proodio, id est, tædio ac molestia, quæ a-
liis diuersa sequentibus ex Poëtarum consuetu-
dine paritur, accipientis: antiquè. Vide Nonium
in eapse dictione *Senium*. Altera enim explicatio
illa, quæ charteis marginibus editionum aliquot
prætecta legitur, exemplo huiusmodi: (*Senium*
id est, seueritatem, qualis est senum, qui ab omni re-
laxatione animi abhorrent) ferri nullo modo po-
test, quippe prorsus repugnans præcedentibus
Poëtæ verbis, illis inquam, quæ habes aliquanto
antè; — *donec suspecta severo*

Conticuit lyra. vbi seueritatem nō Amphio-
niæ lyra, sed rusticis vereque barbaris Zerhi mo-
ribus attributam vides.

Catus quantumvis rusticus. Quot annos Athenis studiorum causa abesse soliti Romani. Nates gratè numeras. &c. ad munera natalitia relatum; idq̃ aliquam multis Martialis exemplis ostensum.

LIBERA verò & perurbana illa Luculliani militis responsio; cæterum interpuncti vicio laboras ad fatim. cuius contagium porro etiam ad Enarratores manavit, pessimam distinctionem istam interpretatione insuper sua, quasi prærogativa, inuenientes:

Post hac ille catus; Quantumvis rusticus, ibit, Ibit eò quò vis, qui zonam perdidit: inquit.

Vt responsum militare à voce *Quantumvis* initium sumat; significantis, non se, iam abundè ex præda regia ditatum, sed vero inexpertum aliquè quantumvis rusticum huiusmodi verbis confirmandum, quem inopia ad tantum porro facinus audèdum exstimulare possit. Quam quidem sententiam improbare non possum. Pœnitet constructionis tantum, ab Horatiana mente immane quantum discrepantis. Etenim geminas dictiones illas, *Quantumvis rusticus*, non quidem ad sequentia (uti illis placet) sed verò ad præcedentia pertinere ratione verisimili auguror, commutata
interpun-

Interpunctione, & capitali litera in *Quantumvis* induc̃ta, ad hanc faciem:

Post hac ille catus, quantumvis rusticus: Ibit,

Ibit eò, &c. ut sit sensus: *Post hac*, scilicet post Regale præsidium deiectum, nō iam temerarius, ut antè, quum zonam suam perdiderat; verū cautus, providens, ac circumspectus; quippe præda ex sententia onustus (secundum vernaculum illud nostrum, *Nijcke lieben en bechten niet* / hoc est, Locupletes non pugnare) *quantumvis rusticus*, id est, quamquam indoctus, neq. studiis humanitatis, aut ullis sapientiæ præceptis excultus, quē a Imodum ego; imò ab aratro fortasse iam inde à principio ruri in militiam pertractus; cupidine profunda licentiæ, ac rapinarum, bellantes ut consuevere: *Ibit* verò, (inquit) eò quò iubes, nempe castellum istud expugnaturus, veteri exemplo meo, si quis zonam fortè cum viatico perdiderit; ne me censeas. Habes deinceps eadem epistola:

Ingenium, sibi quod vacuas desumpsit Athenas;

Et studiis annos septem dedit. &c.

Septennium Atheniensi commorationi legitimè assignat, ex disciplina & consuetudine priscis illis celebrata. Tot enim annos ad ingenij cultum capeffendum, studiaq; Philosophiæ percipiēda primariæ illi, artiumq. inventrici civitati impendere solita iuventus Romana. Vnde error eorum denudatur,

nudatur, qui tempus finitum pro infinito positū somniavere. Nec minor in illius loci explicatione frustratio; sub eiusdem porro Epistolæ finem:

Natales gratè numeras, ignoscis amicis:

Cuius prior pars ita exponitur à Lambino: *Tui generis auctores libenter recenses.* quam opinionē etiam pars melior amplexa. Alij per *Natales*, annos (de quorum multitudine plerisque confiteri pudet) & ætatem dumtaxat significari volunt; de qua ingravescente haud sanè libenter cogitamus, ne videlicet præcipitis, iamq. in extrema propè tegula stantis senij nostri, hoc est, horæ fatalis mortem vicinam denunciantis, certam, haud arbitram dico, nosmetipsos in memoriā inducamus. Vtrumq. falsum. Neque enim hoc agit Horatius. Quidnam igitur? Ego dicam tibi, quisquis es. Ad sollennem seculi sui morē respexisse arbitror Poëtam, quo iam inde ab antiquo institutum, ut die cuiusque natali ab agnatis, gentilibus, propinquis, affinibus, amicis, clientibus, servis, liberis, notis deniq. dona natalitia mitterentur, quos ille referundæ invicem gratiæ ad cœnam frequentes convocatos natalitio epulo albarus accipiebat. quæ munificentia quum plerisque tenuioris fortunæ datoribus gravis, ne dicam, calamitosa eveniret, eosque panè expeculiatos redderet acceptoribus illis quotānis renascentibus; reperti sunt, qui

qui amicis pauperioribus, nec sumtus sustinere
valentibus, de munusculo isto annuo gratiam fa-
cerent: amicitia ac tenuitati debitorum solenne
illud ius suum liberaliter condonantes. aut si ab
aliquo fortè eiusce notæ dona missitata acciperēt,
eodē vicissim alio à se beneficio remuneraren-
tur, non quidem par pari hostimentum reddētes,
sed potius *χρῆσι καλκείαν*. Atque hoc est quod
prædicat Poëta noster, *Natales gratè numeras*, si-
gnificans, Natales eius amicis suis ob causam eā
quam dixi, fraudi & detrimento non esse, sed gau-
dio potius, ac lucro. Nisi si quis, *Gratis*, pro *Gratè*
rescribendum harioletur. cui correctioni firmādæ
subsidio esse poterit Martialis illud:

*Natali dare, Quinte, tuo tibi parua volebam
Munera: tu prohibes. imperiosus homo es.*

Parendum est monitis. fiat, quod uterq. iubemus:

Et quod utrumq. iuuet, tu mihi, Quinte, dato.

Ad cœnam verò natalitiā, & munera illa quæ
dixi, pertinet Hendecasyllabum quoddam eius-
dem Poëtæ in Sextum quendam ex libro Epi-
grammatum VI I.

Ad natalitias dapes vocabar;

Essem quum tibi Sexte non amicus.

Quid factum est rogo; quid repentè factum,

Post tot pignora nostra, post tot annos

Quod sum prateritus vetus sodalis?

Sed

*Sed caussam scio: nulla venit à me
 Argenti tibi libra pustulati:
 Nec levis toga, nec rudes lacerna.
 Non est sportula, qua negotiatur.
 Poscis munera Sexte, non amicos.
 Iam dices mihi, vapulet vocator.*

Integrum Epigramma proposui quo res omnis fiat clarius, & cuiusmodi potissimum dona mitti solita diebus genitalibus. Quò etiam referendus iocus ille in Clytum libri sequentis:

*Vt poscas Clyte, munus exigàsque,
 Vno nasceris oëties in anno.
 Et solas puto, trësue, quatuorue
 Non natalitias habes Kalendas, &c.*

His addatur nō alieni, sed sui ipsius natalis præconium ex libro x.

*Natales mihi Martia Kalenda,
 Lux formosior omnibus Kalendis;
 Qua mittunt mihi munus & puellæ:
 Quinquagesimalibæ, septimamq;
 Vestris addimus hanc focis acervam.*

Item alterum Restituti Genio inscriptum, vbi natalitiorum munerum quasi catalogus quidam recensetur. deniq. alia opere toto in oculos incurrentia passim. Sed plura de hoc ritu in Præcédantibus nostris Plautinis, Natali Ballionio in gratiâ Pseudoli suo tempore imputanda. Concludam

cludam festivo aculeati Epigrammatis auctario,
in Sempronium Rufum conscripti, qui ob cico-
nias edules factas, atq. ex earum conditura novam
ἐψηφισίαν Romæ institutam, repulsam tulerat
Præturæ: vnde & Prætorij titulo per irrisum in-
signitus à Flacco. Id verò apud hybridam Poëtæ
nostri interpretem exstat huiusmodi:

Ciconiarum Rufus iste conditor;

Hic est duobus elegantior Plancis.

Suffragiorum puncta non tulit septem.

Ciconiarum Populus ultus est mortem.

Numeri sanè optimi, & Catullianis per similes,
quibus decòris causa claudicatio, ignota (ut vide-
tur) ac contraria dimensionum illorum, qui ex Sca-
zontibus bonis Trimetros nobis concinnavere nō
bonos. Cæterum *Elegantiam* hoc loco in vitio po-
ni, operæ pretium fuerit observare, quomodo *In-
solentiam* apud Tullium, pro nimio sumtu, lauti-
ria, seu luxuria in quæsitissimarum epularum ap-
paratu; quo, duos quidem Plancos cæteris omni-
bus antistare tacitè innuere videtur Epigramma-
tarius noster; at nihil ad Rufum. cui tamen ars ca-
haud minimæ utiq. fraudi fuisse videtur, præci-
puè in petitione Præturæ, qua à competitoribus
suis, & Plancis fortasse, victus discesserat elegans
iste ciconiarum conditor; vix septem suffragiorū
puncta supplici ambitu, ac infami largitione e-
blan-

347

80 IANI DOVSAE IN Q. HORAT.
blanditus à Populo. quod omne ὑπερβολικῶς, hoc
est, Poëticum in morem dictum videri debet.

CAPUT XI.

*Versus gemini C. Lucilio redonati ex Iuvenali.
item alter Iuvenalis locus interpretatus ex
Luciano.*

DABITVR postremum hoc Caput, non qui-
dem Horatio (ne quis erret) sed tamen Horatij,
vel dicis potius causa Lucilio. Lucilio inquam,
cui (ut exquiratur usque ab stirpe auctoritas) Sa-
tyra potissimum debet, quod Latinam agnoscat
originem; quodq. in re Romana, haud transma-
rina censeatur; unde non iniuria hercule & au-
ctor & inventor Carminis Græcis intacti. prædi-
catus Horatio; insuper hoc elogio meritis coho-
nestari:

————— *quid? cùm est Lucilius ausus
Primus in hunc operis componere carmina morē;
Detrahere & pellem, nitidus qua quisq. per ora
Cederet, introrsum turpis. &c.* Hinc princeps e-
tiam nasi stylum acuisse dictus Plinio; in quo tā-
tam tamq. insignem laudem ac lauream ade-
ptus magnus ille Auruncæ alumnus, ut (vel Quin-
tiliano teste) reperti sint quidam (atq. in his postea
Hadrianus Imperator) qui cum nō Horatio mo-
dò,

dò, atque eiusdem operis auctoribus, sed verò Poëtis omnibus, atq. adeò Virgilio ipsi antepo-
nere nō dubitaverint. Recte' ne, an secus, nunc hīc
non agitur: illud potius, ut (quod lemmate præ-
missō recepimus) de Lucilio duorum versuum
accessione locupletando, tandem exsolvamus.
Legitur proinde primā Iuvenalis Satyra:

— unde illa priorum

*Scribendi, quodcumq; animo flagrante luberet,
Simplicitas: cuius non audeo dicere nomen:*

Quid refert, dictis ignoscat Mutius, an non?

E quibus duos posteriores versus, cum hemisti-
chio, vel potius cum maiore prioris Hexametri
parte, ut tandem liberali causa manu asseramus,
suoq. auctori nunc primum deniq. Iuvenalis be-
neficio vindicemus, admonet nos, & quasi manu
ducit ipsius Aquinatis Poëtæ sententia, suo se in-
dicio prodentis. per *Priores* enim Lucilianum se-
culum, seu potius Lucilium ipsum designari ar-
bitror: cuius tanta fuit in scribendo acrimonia ac
libertas (quam Satyricè Iuvenalis *Simplicitatem*
appellat) ut nominibus non modò veris, sed etiā
magnis ausus fuerit abuti; ipsosque adeò populi
primores arripere, populūq. tributim, hoc est,
omnes quinque & triginta Tribus vrbis antiquæ:
Scilicet uni equus virtuti, atque eius amicis, uti
Horatius testatur. Verba igitur illa,

F

- Cuius

——— *Cuius non audeo dicere nomen?*

capitali litera auspicianda, eoque modo, quē proposui, interrogationis nota insignienda erunt, ut significauerit princeps iste Satyricus: Quis verò cum tanta dignitate est obsecro, cuius nomen palā enunciare non ausim? aut qui me vel metu, vel reverentia sui deterreat, quò minus eum quicunque tandem fuerit, nominatim porrò incescere, ac Satyrico sale defricare ausim, modò opprobrijs dignum? ut loquitur Horatius. Quā Luciliani exempli laudationem Interpretes nostri non aduertentes, & cum Aquinate, non verò Auruncanō Poëta rem sibi esse arbitantes, mirum quas nobis tenebras offundere, atq. (ut paucis multa absoluā) intelligendo fecerunt, ut nihil intellexisse videantur. Quod ut fidentius liberiusque pronuntiem, impellit me Lucilianissimus iste Mutius, quem cognomento Scævola, famosis à Poëta, quem dico, versibus coopertum non Iuvenalis ac Persius modò, sed & ipsius operum Lucilij Fragmenta indicium pariter ac fidem faciunt. quæ & universa & singula Centoni nostro Luciliano reservanda, unā cum aliorum Scriptorum reliquijs, undequaq. collectis; quas solas hercle ex tanta tot egregiorum ingenij facinorum vastitate, Grammaticorum nobis industria reliquas fecit, confidentia est nos in tempore exhibituros. Sed quoniam

niam cœpit Iuvenalis mentio, atq. hoc caput aliū-
de supplementum desiderat; cur non (quoniam
bellissima est occasio) aliquid porro eiusdē Poëtæ
attexitur, quod superiori velitationi, quæ mihi cū
Horatij Interpretibus fuit, pausam faciat; & spe-
ratur aliquando laboribus nostris finē imponat?
Scribit igitur illē Satyra v. grauissimas istas para-
fiticæ, hoc est, aulicæ vitæ incommoditates, pror-
susque intolerabiles alienæ quadræ contumelias,
quibus clientes suos hoc genus accipere consue-
vit, aliud sibi, aliud Laudicænis antambulonibus
suis vinum apponi iubentes, graphicè & quasi ad
vitum repræsentans.

*Qualis cœna tamen? vinum, quod succida nollet
Lana pati. &c.* Quod de vino pingui dictū
accipio, enarrationem istiusmodi ab Luciano mu-
tuatus, eandem indignitatem in mercede condu-
ctis planissimè detestante, his verbis: καὶ τὸ ἐδέπω
ἐμὲν ἔφη ὅτι τῶν ἄλλων ἡδιστόν τε ἔπαλαιότατον οἶνον
πινόντων, μόνος σὺ ποιηρόν ἵνα καὶ πυχὸν πίεις, &c.
Natura enim ita ferè comparatum videmus, ut
ea quæ unguinosa & pingua sunt, extrinsecus ad-
hærescant tantū, neque facilè adeò à lana præ-
sertim succida, hoc est, illota quæ sit, penitus
imbibi possit. Est quæ de mustis, quod genus &
crassissimum & pinguisimum erat, eo quæ vilio-
ris notæ, ac imitantū subsellij convivis apponi

84 IANI DOVSAE IN Q. HORAT. COM.
 solitum, intelligendum. id quod ex eiusdem Lu-
 ciani Epistolis Saturnalijs perspicuè planum.
 ἢ πῶ γὰρ γράφεται τὸν νόμον, τὸν μὲν ἀντισμῖς
 μιθῆσκεισθαι, ἐμοὶ δὲ ὑπὸ τῆ γλέυκας διαρρήγνυσθαι
 πλὴν γαστέρας; Vinum Crucium indigitat Lucilius.
 Cæterū de Iuvenali plura in Præcidaneis nostris,
 quæ iampridem affecta, vix est, ut Lectori debeat-
 mus diutius. Itaque propediem edentur, cum
 Dīs volentibus. Ave, mi Lector, & faventiam ad-
 hibe, quisquis es.

F I N I S.

350

ANTVERPIÆ EXCVDEBAT
CHRISTOPHORVS PLAN-
TINVS, ARCHITVPOGRA-
PHVS, REGIVS. CIO. IO.
LXXX. KAL. IVN.

5263070

2

761.1-3

351

352

333

356

355

